



神へ 16  
2752  
12



門 16  
號 2752  
卷 12

丹州山人四部稿卷之四十二

吳郡王世貞元美著

詩部

七言律九十首

癸酉元日試筆

爆竹嚴聲徹夜傳  
曠曠旭日漸東懸  
天開萬曆王正朔  
人樂群方大有年  
及尾屠蘇深蠟色  
含苞玉蕊媚春煙  
相逢未卜行藏事  
且向條風試酒錢

邀助甫游虎丘

寒色高臺頽萬家  
坐未衿袖隱烟霞  
逃禪再起生公

昭和十六年  
十一月十九日  
購求

石倚醉頻呼陸羽茶今日青牛干氣象助甫微服見訪早時  
白虎出精華司空自有衝星佩來向茲丘問莫耶

顧丈伯剛重封異數其先大夫再得給事京兆

誥封

兩朝恩數向君偏 聖主人推達孝年共道絲綸徵  
舊德自將忠蓋格皇天西清再視中書草比壠重題  
京兆阡從此江東論四姓還應甲族表諸賢

四明吳生游大梁甚久其再往也謁余詩為贈  
束書擔簦一奚囊擬向人間識二王音似莊生猶帶  
越賦如枚叔好游梁春風騎從夷門去烟雨魚羹幸

舍嘗授簡只今多在席古來詞客有輝光

盧使君君萬手植一松百花洲且侑以詩走筆

奉謝

萬卉當春不敢開孤松瞥見使君栽猶驚栢府霜威  
重似挾天門兩色來陶令儘堪歸後撫嵇生未許醉  
時頽懸知滿樹秦風在中夜龍吟首重回

楚行意頗不決聊成一章

印吏空驚腰綬新婆婆仍惜據梧身文章端我終投  
筆歲月欺人轉積薪舊事懶聽湘水曲衰顏羞覩武  
陵春何如且作祗園主經卷茶鐺次第陳

送馮臚姪孫赴官

何言垂白始為郎十上公車意未央  
入洛風流追小阮過江門第數諸王  
傳呼曙應金鷄唱立仗春分玉筍行  
况是朝端多父客到廳丞相為施牀

太師華亭相公枉駕海上因游小祇園奉贈一章

章

懸却安車謝過從忽占台斗暫移踪  
千家兒女看司馬片語乾坤識卧龍  
日暮林泉翻起色春來桃李競為容  
知公不淺行雲意倘施西山最上峰

伏承太師相公枉駕祇園以五言八句留題皆

真諦語不揣奉謝一單

東來紫氣有真人給苑含輝祇樹春  
草忍自詣菩薩行潭澄初現宰官身  
杯中水月無明失句裏雲霞法界新  
苦語世尊應好慰只今魔地隱波旬

皇甫子循僉事七十

尊前金縷乍成衣與唱人生七十稀  
勝具總誇玄晏上微官不厭曼容非  
凌雲健筆長餘綵翫世青衫始易緋  
共道荀家好兄弟白雲猶見一龍依

要劉子真光祿出會

十載時通白雪盟揭來猶自昧平生  
雙魚入袖元難

癡老驥逢師可不鳴  
文度江東慙獨步  
真長晉代許齊名  
舩齋少宿丹陽尹  
牛女應誇紫氣橫

寄陸與繩太僕

尺一書來綬便丹  
共傳鳴玉上金鑿  
那知此日攻駒在  
猶作當年失馬看  
人愛賜環時却易  
我憐完璧晚逾難  
如聞楚澤波臣狀  
庶子泉頭好自寬

舉主御史大夫傅  
公同年大司寇謝公  
款宴江

寺感謝

把酒青迴江上峰  
淨筵分供玉芙蓉  
涼從鳩署秋聲起  
暑避烏臺霜氣濃  
海內何人能附驥  
江南有客舊

登龍艱難往事那堪數  
惜別街恩意萬重

金山與送者飲別登舟作

江天高閣倚傀俄  
惜別猶呼金叵羅  
送客總歸唯月在  
游人欲老柰山何  
才聞出夾吳音少  
稍入中流楚調多  
爭道壯游官亦得  
不知吾意已蹉跎

肖甫中丞自采石馳歸一醉而別  
至江州寄懷  
初聞牛渚駐旌旂  
小隊元戎早自歸  
乍合延津疑劍是  
纔違漢浦負璫非  
歌侑白石成名晚  
身在青雲折節稀  
也道武昌魚鴈便  
那能相憶不沾衣

泊安慶江口即事

扁舟孤泊下江干，父老能言保障難。  
樓觀日將金紫錫，江山天闕畫圖看。  
風廬似倒降王旆，烟雀猶喧誓將壇。  
莫倚臺城龍虎氣，幾愁無地可迎鑾。

登小孤山

忽有蒼翠來眉鋒，躍然令我呼短筇。  
波心倒插白玉柱，水面秀出青芙蓉。  
平分吳江楚江地，對聳天南天北峰。  
老夫鐵笛欲吹却，恐向盤渦驚卧龍。

至江州尚不得舍第敬美除官信悶成却寄

有鳥雙棲偶一鳴，無才那敢論時清。  
纔經楚澤人堪老，若到燕臺馬自輕。  
白雪和來難後輩，青雲是處畏先聲。

與君暗憶祇園地，不冷蒲花慧遠盟。

江州答謝徐司空世寅時尚撫江藩兼致聲德

甫

先朝抗疏許誰雄，白下偏驚鮑氏驄。  
出領江藩中執法，還平邦土少司空。  
情如廬嶽千層厚，書借潯陽九派通。  
猶有豐城孤劍在，待君噓拂便成虹。

七月望夕大叅鄭邦用僉事蔡景明戢敬之邀

游赤壁二首

賓主西南勝事并，此游端足慰平生。  
杯仍七月稱秋望，賦是雙珠可夜明。  
戰血至今高壁色，詞源終古大

江聲與君聊釋盈虛意忽聽山城漏五更

其二

將壇文苑代稱雄指點千年感慨同名在江山翻借  
色事過天地竟何功鄉心暫托烹鱸後客夢都拋別  
鶴中秋月偶圓風自好坐來群緒為君空

癸酉秋再監楚棘感懷二首

從叨三晉領賢扉南紀秋風又鎖闈屈產自良吾齒  
老楚珩雖貴國工非殘燈晃影疑裁素清析傳更似  
搗衣功業少年諸不乏倘容緝緝一翁歸

其二

紫衫垂敝白鬚偏潦倒慚非入棘年聽語雕虫身自  
厭由来相馬事空傳差強澤畔吟行地却送河東賦  
上天論賞進賢當不薄可應還記介推田

中秋夜登明遠樓觀月作

列炬分行鼓角催江光如練倚欄開初疑下壁排空  
上忽有隋珠破夜來入坐天香真桂苑披襟風色勝  
蘭臺還將校獲誇雲夢磊砢紛綸盡楚材

贈曾叅議公公子中丞以三撫蜀甫遷官即歸

卸

挂緋剛及賜緋時總為雲山悵素期有子陳咸那教

真州山人集卷之四十一  
世經堂  
誦為郎顏駟肯論遲高從郢里倡春雪遠許巴人寄  
竹枝見說原陵多後地可知童冠解相隨

輓九十三湯翁翁嘗為吳邑丞時令子中丞以  
候代留襄

共擬鳩筇履漢庭忽驚鶴馭指青冥吳中舊雨留棠  
樹天上新霾掩歲星聽罷府烏頭欲白攀來臺栢樹  
非青襄湯耆舊能相挽墨經聊為借寇停

登黃鶴樓

縹緲高凭崔氏樓依微西眺彌生洲天容孤鶴排空  
上水合雙龍抱郡流一代真成春雪倡千年誰識歲  
星愁老夫聊翫人間世任遣浮雲照不收

黃鶴樓餞別蔡使君景明

栢臺高卧白雲秋靜者由来有蔡侯識我姓名真倒  
屣念君離合重登樓中天日傍長安出薄暮雲生大  
別愁倘是五羊能見憶莫辭雙鯉向吳洲

魏順甫晴川閣分韻得芳字

憶醉漁陽春草芳蹉跎回首廿年強青萍斗傍孤城  
合白首天容二子狂高閣對懸今古色浮雲不盡徃  
來檣尊前忽語登龍事慷慨悲歌泣數行

寄答張助甫



中原高枕白雲深春草玄關懶自侵不怕汝南人月  
旦所愁江上鯉浮沈鳳皇獨攬千尋德鸚鵡雙懸異  
代心此日為君成感慨武昌風色晝陰陰

其二

君近以乞誌  
過我吳中

中郎不愛賣碑錢盛德那因乞米傳念爾去凌淮蔡  
雪向誰呼覓孝廉舡忽驚魚素衝江渚驟有驪珠射  
楚天無限故人推轂意愁君手板少年前

過京山王太僕汝化期還日過飲以病從漢江  
抵省太僕有作賦此解嘲

十載登龍願不違見來詞賦有光輝已拚送酒陶家  
醉敢作凌風列御歸席畔蕃花寒不負江頭青雀病  
相依誰言郢里今遼落白雪逢君片片飛

敬美需次不調於秋夜倡和有庾公南樓之思  
走筆為答時予有嶺右命

北游吾弟困長安南徙而兄老一官欺客秋風生  
襦裼誤人春事在彈冠莫誇同調蘭金易縱得時名桂  
玉難俗殺武昌中夜月庾公那自折腰看

答寄子深鎮國

著成鴻寶世稱奇十載匡廬有夢思忽爾贈余青玉  
案蕭然如對白雲姿魚書但到那論晚龍劍須逢自

有特俱道陳王饒麗藻可能重贈仲宣詩

武昌奉別省中諸公

差池霜色鬢毛侵三月移藩已滯淫惜別故人分手  
淚思歸傲吏折腰心潁魚下水猶堪溯黃鶴摩天不  
易尋回首莫論萍梗事古來天地有浮沉

上廬山天池寺

使君五馬一踟躕為愛匡山勝不虛亭出御書

天子鄣水成僊樂聖僧廬微陰液雪瑤時破寒色留  
楓繡自如未有僊才同謝監將分佛地下吾居

登天池回望下方俄而晝晦

勝地初憑一杖收正驕吳楚落雙眸千峰盡鼻香  
氣兒派平拖瀑布流忽暝乾坤垂混闔欲歸身世半  
沈浮佛燈縱出難為照天眼雖尊不破幽

周銀臺汝學携酒淨海寺貽詩見贈時余適有

太僕之除落句云云遂成答謝

江頭初駐木蘭舟誰解携琴載楫游三國嚴華公瑾  
早六朝風物秣陵秋詩成古刹寒堪失酒盡長干暝  
欲愁縱有除書君莫恠馬曹元自屬王猷

贈姚繼文學憲由楚遷江西大叅

史談留滯逾三載啟事山公願不孤剖盡荆珉無卞

九州山人集卷之四十一  
世經堂亥  
泣教成郢雪尖巴歛文星入夜衝南斗化兩將春下  
蠡湖還道木天當日地只今 明主賜環無

贈殷無美獲雋留省入試南宮

見說賢書有著數詞場吾黨日崢嶸一枝肯作尋常  
桂尺壁能償十五城徃嗣東吳元秀出深源今代豈  
虛名還從鴈塔看前輩莫向龍門負此生

題洞湖卷贈凌玄旻

玄旻托好凌九絃一曲猶能小賀生書似靈威偏嗜  
秘宅如和父僅餘名烟霞不散奚囊色日月長尋釣  
艇明四倘讀吾濃雀鳥游記令君風骨坐來輕

送侍御河南李子興還朝因伸鄙感

攬轡名高九道聞攀轅人惜二天分論才豈必相如  
似薦疏空勞北海勤驄馬風生千里足神羊霜壓五  
花文欲知下走沾沾意今日真成御李君

嶺右張羽王明府邀合郡諸名勝會餞虎丘時

江右龍司理亦集輒成二章為謝

府公高讌入春開江左風流異代才茂苑自驕群玉  
聚桂林初見一枝來分題競勝燈前草欲折還含雪  
後梅贏得班生僊骨在手携星藻向三台

其二

春山如黛水如羅勝會還期勝地  
南山文隨龍劍  
出西山爽為馬曹多生公石冷思  
眠甚陸羽泉遙柰  
渴何聞道陽春饒麗藻阿誰先  
付雪兒歌

曹太史一呈有子逾週韶秀可  
念賦此為贈

青葱玉樹映庭除抱送麒麟事  
豈虛生得馬遷知續  
史便逢王粲不捐書鳳毛池上  
霞同挾蚌氣江頭月  
並舒若問攻駒今太僕渥洼千  
里許誰如

寄少保殿公

春酒如澗花滿枝醉談歸傳賜  
金時天容弘景山中  
相人識留侯帝者師聽罷齊風  
知再表秉來周禮未

全施亦知咄咄非公事海內蒼  
生正繫思

寄調許殿卿左史

嵒湖春水讀書堂謝客時時懶  
下牀稍出新篇曾御  
李初携小婦為辭梁貪聽半語  
游僧偈盡釋南中奉  
使裝便是相逢能解脫已應無  
淚傍山陽

喜少師徐公楊公二子並成進士

莫疑天意薄蒼生社稷功存退  
始輕契濶累朝魚水  
舊日參差昭代鳳毛成雙開綠  
野泥金色並武青雲振  
玉聲不獨兩家喬木在中興今  
見世臣名

過桃源作

沙深老樹欲全髡，湍急停雲勢若奔。僅有隄存如敵  
子，幾曾花發號桃源。天過淮海疑全別，水出崑崙已  
自渾。却憶故鄉諸季在，接羅顛倒辟疆園。

阻風彭城下洪

信宿維舟阻急湍，叢祠賽鼓問祈安。風狂恠石低昂  
見渚，枉荒山向背看久。仗東書成客計還，呼卮酒斷  
愁端。彭城咫尺君休擬，老慣人間行路難。

初自彭城山行聞鶯

水宿逶迤不計程，有無春事未分明。白門渡口逢三  
月，黃鳥行邊始一聲。句向清時稀感慨，官因遲暮減  
心情。祇園桃李花如錦，祇為游人特底生。

河間道中

歷亂鳴鷄夜未闌，客程何處不加餐。擔頭書卷風時  
墮，馬首桃花雲並殘。望國望鄉春思雜，中寒中暑客  
衣難。河間正是班班地，衰鬢采簾懶向看。

送王太史胤昌冊封關內便道省壽太夫人

玉節新從北極開，彩衣仍出尚方裁。猶龍紫氣將西  
度，如帶黃河自北來。嶽色晝晴迴菡萏，珂聲春晚散  
蓬萊。稱觴不貸夷門酒，分得君王露一杯。

送少宰劉公憲謙遷南大司空

鳳池分手惜飛蓬平土留京地望雄啟自山公傳吏  
部班應雲母隔司空鶴行八座星辰表鷓首三江暮  
靄中我欲無言渾未得可應桃李忘春風

王學士元馭留飲花下作

學士高齋傍玉清入門幽興劇縱橫已拚芍藥似人  
老忽送榴花令眼明文酒竟成吾黨事咲談真見故  
鄉情毋驚百徧相過語若到郇厨體自輕

端午日楚人立戶部汝謙要飲顯靈宮即事

逃暑僊都靜不扃雜花紅霧晝冥冥綵絲留景真堪  
續白苧含薰且細聽酌屈懷沙人漸少辟兵飛鼙事  
初窺從他稚子行觴數楚客于今肯愛醒

江右彭翼射策不第侯予至都投詩為贄即

告歸答贈一首

寂寂公車意未平為誰驥首忽雄鳴才高一出能同  
調客好何妨與借名斗氣豐城歸自出暮雲溢浦到  
來生他時莫詫安昌舊籍甚聲華在漢京

少宰學士陶公虞臣輓章

五月輜旌發上都群公雪涕萬人呼仍開地下脩文  
館不拜宮中續命符吏部斗山初罷仰一君王雨露  
肯回枯從知續史心猶在握手龍門事未孤

子與自閩明卿自貴同日書至有感

參差青鳥建章宮忽有瑤音慰轉蓬  
兩地虹霓書遠近各天雷雨劍雌雄  
俱誇拙宦身猶在且喜加餐字每同  
寄語圖南爭矯翼燕臺四起大王風

其二

故人嶺海尚栖遲九列雖叨敢道宜  
季重有書方悔俠偉長中論未逢知  
誰偏謝豹啼丹地並許咨陬托素時  
莫恠承恩還避輦至今猶自怯蛾眉

寄答明卿使君

誰言天遠故人疎尺一雖微意有餘  
信過衡陽那是鴈書從蠻府不呼魚  
衰顏近日紅從借勁髮安霜綠自如  
共道楚工今識察莫將清淚染瓊琚

送大司空萬安朱公進太保馳驛南歸

胼手曾扶大陸沈錫圭功似禹年深  
三朝漢省尚書履一詔疏家太傅金  
諫漆轉揚明主德懸車誰識

老臣心遙應綠野城南地不改芙蓉  
碧萬尋萬安城南五里

有芙蓉山

其二

帶玉搖光下帝闈即教蠅點轉成恩  
令狐陵使先皇舊司馬河書異代言  
六傳賜馳騰紫陌千官出

餞擁青門他人自喜中山篋公意從寬北海尊

送吳城歸吳

季子揖余歸故園懶騎羸馬傍人門燕中貂敝那曾  
怨吳下猿驚且莫論唯是客星時失職况多才鬼未  
招魂衡荆也自饒功業細搦黃庭倒綠尊

送御史大夫餘姚趙公領南臺

曉傳除命下明堂西第停鍾戒舞行此去風稜歸獨  
坐向來霜色滿南牀千鳥舊是臺城侶一鶴居然御  
史裝見說太平隄上樹廩秋猶自拂雲蒼

壽吳太夫人

方伯子彬母

隆萬之際朝家清發星德星相映明京兆雋媪古來  
幾河南吳公天下平北堂進也晚色動西母戴勝秋  
風輕縱無海籌祝景筭雅有彤管書崢嶸

偶成

睡起兀兀憑籃舁衙叅放來何所為有書僅寫馬復  
令得酒却憶牛醫兒西山一片青刺眼石榴幾株紅  
亞枝俸過六百不解免行年五十終無奇

同舍弟邀汪伯玉仲淹昆弟游蓮花庵

帝城西北有蓮宮水檻冰壺面面通甘雨跳珠千葉  
上法雲垂綺百花中詩携愛弟籃田侶酒許徵君白



杜風莫向幻人論色界望來烟景坐來空

田子秭以諸生異等貢游兩都署冊曰南北大

觀賦此贈之

田方魏客舊知名白首青衿事魯生  
薊苑星辰天北極金陵龍虎漢西京  
飛談碣石千人廢使酒長干一坐傾  
賦草縱成須晚出祇今塵世有張衡

贈談思重中軍餉上谷便道還里

莫從浮白歎離群轉餉由來第一勲  
慷慨劉生初出塞詩書邵氏舊中軍  
征帆欲指江南雨歸索猶殘薊北雲  
倘許吳兒歌子夜平羌新譜若爲分

七夕過李通政伯玉

小暑初殘節序嘉探書因過鄰伊家  
諸峰似取支機石一水曾通貫月查  
巧向天孫分杼袖工從司馬詠琵琶

琵琶

客有彈琵琶

清朝酒醒猶疑夢玉露分明染鬢華

哭梁思伯內翰

蓬萊闕下散瓊琚一入羅浮恨有餘  
死去伯鸞隣俠骨病深司馬篋遺書  
西清幾種風流在南國諸生雪涕初  
莫向尉陀城上望五羊春事已凋踈

送梁舍人奉使還嶺南

珂聲歷落散金鋪曙色南分一宿孤  
客到羊城元奉

使歌從鳳沼有將雛梅花寄遠羅浮玉詩草行裝合  
浦珠聞道伯鸞新家就可能相為附生芻

曹子念南歸

曹甥跌宕甘沈淪兩脚偶踏長安塵不知茗酪定誰  
好共訝菰蘆無此人燕歌回風白日暮吳趨謔浪清  
霜春祇園松竹好料理顧我終豈巖廊身

楊少宰伯謙扶持太夫人歸里得二首

百年將母世誰如出入三朝畫繡餘 帝許山濤無  
啟事天容潘岳有親輿堂開晚色萱長好籬隱寒香  
菊未踈不是面承 宸語切還期那肯顧尚書

其二

青山一片 帝城南離思無多酒任酣座裏台垣元  
待八刀頭明鏡祇容二停雲客羨歸雲懶捧日心從  
愛日耽臨別故人毋惜道不知巾散有何堪

汪伯子司馬閱武試

主恩司馬一登臺立表驂驪千騎來鎬似飛星爭犯  
月鼓如催雨不停雷橫開銅柱南頭去坐奪金城右  
臂迴此地若容狂李白也應偏識令公才

申先生汝默以經筵史館勞進宮端學士賦此  
奉賀

史才經術世推能，玉署鑿坡秩並增。拜命爭看雙綬，  
紫書銜真作一條冰。帝稱匡鼎願堪解，人識金甌  
事可憑。懶散列卿休健羨，履殼寒月滿觥稜。

為李師孟方伯題五華山房

青蓮居士躡青霞，曾移九子為九華。君今五華讀書  
處，又見名山屬李家。峰峰西嶽雲間掌，朶朶郇公字  
裏花。不似終南饒世路，儘堪佳處向人誇。

聞謝茂秦客死魏郡寄詩輓之

如聞鄴下仰風流，蹶躅誰令走魏州。老去一編文苑  
足，病來孤枕客日生愁。江湖氣盡無芒屨，妻子情偏有

蒯緱。總為濟南杯土在，也堪揮淚布衣游。

魏懋權追踐約於德州至清源而別書此為贈

席帽西風吹欲歌，衝寒來踐故人期。携將趙壁愁償  
汝佩，得度刀舍贈誰齋。舫論心初縱酒，河梁分手又  
成詩。祥烏莫戀中丞柏，好向長楊借一枝。

贈鄭侍御子義

衣繡翩翩翎帶垂，看君真是鄭當時。每逢佳客必青  
眼，况復諸郎多白眉。老去壺中寬世界，名成谷口動  
京師。吳姬壓酒齊謳倡，那得秋霜上鬢絲。

途遇習太史時甫登泰山歸有贈

岱宗寒月有梯雲四海才名鑿齒聞  
已自講壇推嶽嶽仍從禪地訪云云  
胸前齊魯森相逼觀表秦吳杳不分  
見說封中縈紫氣還應綵筆動天文

治河傅中丞何侍御呼飲行臺賦謝

急管深杯緩容愁嚴霜不傍月華流  
中丞屋上烏能好御史車前驄欲留  
今去咏何真作柱古來稱傅仗為舟  
清朝功業堪俱就轉餉從輸第一籌

維揚過丁戶部有贈

與君三日話連牀江左風流共一方  
再入嘉隆循吏傳兩為南北度支郎  
絃中白雪心孤賞座裏春風客

對忘若憶陳王歡怨句先朝姓字雅相當

儀真道中

中丞臘月上真州送客俱辭影僅留  
出處本來無繫着東西元不礙夷猶  
霜嚴未洩前旌色冰老能封小澗流  
寄語擁鑪兒女道老夫裝束竟何求

邀助甫自汝出會并伸勸駕

知君高枕狎年光休汝篇成自一方  
名士風流誰甲乙故人星在莫參商  
便因先出甘龍尾倘得新評許鴈行  
巖穴清時岳欲盡可能無意奏長楊

助甫以病不出會遺詩見贈悵然有答

徒倚寒韜落照中，可因霜老誤征鴻。  
逃名張廌千竿竹，起色枚生百尺桐。  
家近陽城堪自妬，里無春雪向誰工。  
欲知歲晏相思意，蕭瑟孤城事事同。

答武昌趙中丞良弼

霜後梅花驚客郵，知公青盼在襄州。  
曾於江夏叨叅佐，敢向竒章擬上游。  
春至雙魚思溯漢，月明孤鶴悵登樓。  
何時對榻蘭臺管，一掃雄風萬古愁。

大梁候吳明卿不得聞，尚留里中賦此促之。  
一往除書歲月深，恠來鴻信誤追尋。  
三朝老共思家夢，萬里歸偏薄宦心。  
客笑元長窳寂寂，人窺夥涉莫

沈沈梁園亦有花，如雪郢里春風可滯淫。

舟州山人四部稿卷之四十三  
二十世經堂刻

舟州山人四部稿卷之四十三

吳郡王世貞元美著

詩部

七言律九十首

乙亥元日獨坐試筆時余五十矣

江城鈴閣隱歌梧竹影徐移拂茗鑪雪後鄖山俱獻  
玉春來漢水不藏珠將登服政心猶懶欲數前非念  
已徂了却朝天無一事已拚清興到屠蘇

歸思并寄懷留省太宰劉公少司馬凌公少司

空徐公

舟州山人四部稿卷之四十三

身州山人稿卷之四十三  
屈指曾停雪夜舟雙旌宛轉更西游功名向好應知  
足朋舊雖稀漸到頭孤夢自懸鍾鼻月尺書難溯漢  
江流莫愁白簡妨人事能遣青山近沃洲

寄送廷尉孫公渡襄北上時鄖鎮自公疏開督  
府申軍令不佞忝繼武云

一疏明光有大邦雄開幕府擁旌幢前茅曙色通秦  
嶺後吹春鼗壘漢江蕭相規成元畫一羊公名在雅  
無雙欲知鈴閣留題處時復芸香透瑣牕

其二

兒童竹馬漢江邊不數銅鞮拍手年但是征南書負  
癖還應大理棹登僊青編倡雪猶存郢白簡雄風已  
到燕三事故人如見及可容平子賦歸田

寄肖甫

音塵莫恨薊門踈卽府天西遠自如地盡岷峨唯鳥  
道江分蜀漢少魚書諸賢講德甘棠後萬事驚心小  
草餘 聖主只今求劔切可因春興賦潘輿

少泉太僕公謝人間久矣獨有喜余遷太僕中  
丞二律見寄卽中賦此奉酬兼簡猶子時厚太  
僕

京山南去鬱嵯峨矯首孤雲柰爾何楚水可無魚素

到王家從昔馬曹多械開一字成珠玉句就千秋讓  
薜蘿莫倚竹林憎俗物也能兼為阿咸過

奉答故中丞曹丈并贈二首

霜威不入鬢絲春誰識三朝栢府臣  
酌月獨成橫槩句醉花翻愛吐裊人  
放懷雲夢時時濶論舊山陽字  
字真尺牘向來江表擅却因鷲坐許陳遵

吳人陳道易善書公

首言

其二

章華臺畔百花枝花底春迷白接羅  
埋照自來多寓酒逃名不盡為談詩  
聽殘估客西陵樂忘却中丞南

部時任是江山解纒興舍人還有治裝期

伯起得余說札黏之屏上夜為風雨所摧成詩

見貽聊爾謝答

別思紛蕪不記年吳閭懷舊更依然  
愧非天外銀鈎畫博得山中玉案篇  
登善已無屏脚分孟皇方有帳頭緣  
請看章水浮沈後猶作風流勝事傳

清明遇雨

昨歲清明指冀方今朝寒食滯鄭陽  
兒曹上塚亦隨例客子思親偏斷腸  
四十九年年已去一百五日日初長  
毋論積雨斷新火縱得餘光非故鄉



歐禎伯自嶺南寄書經歲始達時已謁公車矣  
吳江船送孝廉面屈指三看動瑄灰海內幾人同調  
在天南萬里尺書來心隨合浦能飛葉句似羅浮寄  
遠梅見說公車新待詔不知東閣為誰開

子與自閩遠使相訊道失所貽書而詩篇幸存

賦此報寄

一疏除書便各天梅花開落動經年已拚魚素浮沈  
後幸有驪珠次第傳郎水下從揚子盡女星南向越  
臺懸亦知握手前期在塵世那能事事圓

其二

卧病山城未解顰新詩一喜一酸辛青雲論舊年年  
少白髮關心事事真已自有珠貽漢浦幾時看劍合  
延津鄉園稍近無拘束去就清時可細論

寄贈李惟貞侍御時清戎三楚將赴嶺南

十道兵符事更新少陵歌罷點行頻那知使者車前  
淚轉作君王筆底春五嶺可應任尉戍三苗今是  
舜階人青燈促膝還思郢愧殺囊封上紫宸

過龍泉觀冒雨行即景

峭風含雨自成悽宛轉襄城轍漸迷巖電忽垂疑帝  
笑江雷初上似兒啼遙旌破壁看初沒雜樹含烟暈

却齊恍忽淮南朝帝過西巖喔喔午時鷄

由太和登絕頂二首

千盤轉盡見三門七十二峰朝至尊下挿香鑪勝廬  
嶽中懸天柱即崑崙銀鑊挾籟晴疑雨金殿搖光夜  
不昏欲指群方無可問青山處處白雲屯

其二

絳節朱幡縹緲間縱非天漢不塵寰平超五嶽王公  
位肯數三峨伯仲山千嶂霧深銀作海九霄雲淨玉  
為關空餘沆澗零仙掌消渴相如可再攀

宿南巖宮

欲凭筇屐數鬼裁刺眼翻愁勝地多絕頂夜懸金觀  
出斷崖晴扶火輪過池從太乙真人卧亭憶南薰帝  
子歌莫話古來冲舉事一官雙鬢已蹉跎

謝李侍御孟敬惠刺書數種

使君真有五車書不惜分光慰索居中壘業傳旣七  
略征南癖在喜三餘已無它技同鼯鼠從此殘緣結  
蠹魚更道酉陽西去穴緗縹玉簡定何如

邀助甫迎恩宮作

三月花飛懶下堂出游端自為薇郎尊前小語青山  
近城裏玄宮白日長欲折松枝充麈尾可辭華土拭

干將人間對有狂名在不信相逢老不狂

三月晦日助甫見甫於使院清美堂聯句因贈  
鈴閣初開興不孤醉來時復對烏烏山低送綠看時  
失葉密欺紅數欲無雅為戀春期秉燭那知代月有  
聯珠明朝更是清和候蕭洒齊紈佐玉壺

移舟餞助甫分韻得牛字

麋子城南看放舟鳴笳疊鼓不寬愁過雲石迥如人  
立破壁江能學字流此際雄譚還白馬早時真氣失  
青牛亦知別後無他事肯為蔡峰暫少留

送李孟敬侍御還臺

十年貪識鳳毛難曾借中興疏草看家有一書司馬  
法人傳八使惠文冠霜驅夙霧過衡遠風送餘波上  
漢寒共道 朝廷尊自若仍教李勉向臺端

送趙中丞良弼自楚開府還臺公舊牧荊州為  
中興循吏第一今其還也獨晉左丞

共誇元白夾江除來徃魚械問索居見合兩邦為友  
玷忽傳三殿有徵書 先朝舊露荊州冕全楚今攀  
御史車不獨風稜堪獨坐即論循吏許誰如

寄甘肅侯中丞儒宗

回首齊門和缺歌辟書先後起烟蘿幕中明月堪相

共鏡裏秋霜柰我何燕領古來金印遠虎符西去玉  
關多那能醉爾葡萄酒射鹿還煎熟洛河

寄贈羅中丞國華自貴竹移鎮西川

除目中樞有大名忽傳開府更西征已收羅鬼刀耕  
戍憑取蓬婆鐵作城蜀道時清偏自易雪山公到不  
為輕亦知小鎮堪投老牢落牀頭缺自鳴

中丞曹丈手錄新詩見示卒業感而有謝

山城春晚足音微漠漠停雲四望非忽訝漢珠神女  
贈總緣荆玉國工稀聲排仄瑄吹相協字挾雲霞看  
欲飛却笑古來吳季子楚風論未便成歸

灌甫宗正寄示所著新書奉贈

浮雲鬱鬱大梁城公子名高不愛名但自壁間尋孔  
氏何須席左待侯生藏書嵩嶽中天色紀瑞黃河  
聖代清却憶荊州王粲在從軍詩好繼東京

內鄉李翁少偕計公車不第遂棄歸以長君翰

林封顧翁時時稱鄉貢進士扁舟見訪談詩論  
世事多感慨不平語於其別也贈之一詩

拂袖公車成隱心壘書元解覓山深逃名不作唐供  
奉得句還稱李翰林老向唾壺翻擊節愁來挾瑟問  
知音丹崖丹水春何限莫憶尋常賣駿金

明輔方伯走使馳書數千里詢我漢上盛言新  
策不減祗園然頗以索居為歎聊成二律奉贈  
因抒鄙懷

憐君新築晉祠幽五柳當門山滿樓晝永棊樽寬自  
得春深車馬僻難求孤雲似客能分坐片石聞禪解  
點頭猶有舊交時攬念西風吹鴈下襄州

其二

紫衫拋後鬢全鬘六見桃花源水春題筆不為絲上  
語灌園偏憶漢陰人行藏盛世難論跡離合中年總  
愛身若問宦情何所道苔衣生戟耳生輪

助甫起家陝西左叅有贈初傳分省京兆

先朝綠鬢尚書郎銅水忘饑歲月長看著鷓冠知有  
托罷含雞舌尚餘香公車忽借臨三輔京兆今應數  
二張見說華陰山下土能添廣武匣中霜

其二

已從巖穴謝時榮尺一傳來客畫驄馬首掌蓮開太  
華篋中詩草見西京病當清世那堪久身為知音稍  
解輕欲識保釐新政就試聽銅雀有雙鳴

見甫與余交久矣忽以書幣及詩來贊請執門  
人禮以此辭謝

軍城烟柳暮蒼然忽墮孤鴻禁几邊今日子雲仍問  
字當時文舉已忘年書未繡段難為報家有青箱敢  
吝傳莫道鄭江無柳折也曾相繫孝廉舡

宋丈望之見示華陽館集志謝

久矣談天碣石荒誰堪別館號華陽劍從江右光含  
斗書學淮南字有霜此去中興多大雅嚮來孤憤半  
清商亦知行部陽春色倘許新題到草堂

兵憲王君陽德數過弁山園頗述泉石之美走

筆奉寄

一壑中年屬謝家祗緣青紱離青霞衡門客過題衰

鳳小隊春間駐浣花已借使君為地主可無詩句憶

天涯鄭江亦號羊公府卧閣蕭條負歲華

叔寶約游武當不至欲按余詩作圖聊爾次答

且寓嘲

虛傳消息到襄州濟勝唯應踏虎丘金作慕山空弄  
色珠懸漢水不成投還憑摩詰詩中畫寫作宗生卧  
後游必待他年婚嫁畢桃花爛却武陵舟

喜助甫少叅復過鄭城

鄭江星象徃來頻春起南陽冬入秦負弩迎將符節  
使同舟看是角巾人從來俠客深然諾豈合明時見

隱淪節度莫誇襄樣好白茅先授九邊臣

邀助甫兄弟登城北樓

憑欄極望思雄哉眼底初逢宋玉才  
疊翠爭排千雉入空青忽破片鳧來  
雙飛鴻鴈分雙影一曲驪駒盡  
一杯妬殺銀箏玫瑰柱聲聲彈出古輪臺

送助甫使君赴河西

與說涼州樂事深便應分手莫沈吟  
調將蹀躞名西極種就葡萄勝上林  
但使酒泉長似酒不須金谷徧  
成金魚腸喚汝終投筆燕頰封侯始稱心

其二

貝帶貂裘錦作幢然明西牧許誰雙  
時時屬國來稱款處處邊城號受降  
鹿血煎腸成熟洛駝酥滴乳點  
春缸賀蘭山壁從渠大醉瀋淋漓筆似杠

丙子元日試筆

軍城衙散不須開徐撥金鑪煖篆灰  
初日似偏羊傳閣早春難到濮王臺  
辛盤婦怯他鄉味栢酒兒驚最  
後杯忽憶朝天吾季在玉珂聲自未央回

送王中丞汝文提督操江

折衝元自漢庭聞柱後新裁上切雲  
一劔畫將天塹地千帆教就水犀軍  
臺城畫擁韜鈴色幕府春生組

練文却笑當年渾共濬與君同姓不如君

其二

惠文霜色隱昆吾玄武湖風響僕姑三翼盡環青雀  
舸一軍俱號黑雲都按章諸部多拋綬趨府何人不  
佩符共說中朝山吏部論兵暗已合孫吳

穀日登鄭城東北門樓時四山雪霽因題曰春  
雪樓而係以二律用示郡僚

鄭城東北似齊宮四塞烟巒望望同忽結樓臺銀海  
上盡收天地玉壺中從他柳絮能千點笑殺梅花僅  
幾叢撫罷朱絃君自聽那能不讓郢人工

其二

雪後登樓思渺然南為梁苑北秦天微吟謝氏成珪  
句忽憶陽生種玉田報瑞青衺裝暫改凌空白鳳羽  
全捐俱言此日初名穀太史應書大有年

曾中丞以三自西川入為少司馬過郢北上

青雲紅旆擁金鞍過郢毋辭春雪寒此去長安真自  
近方知蜀道不為難西川慣領中書印掌武初辭柱  
後冠多少籌邊樓上策漢庭先已縛呼韓

豫章人至不得用晦書却問之

虛從鱗羽問離居各有相思少破除斗畔龍文誰解



分州山人集 卷之四十三 十一世總堂  
識枕中鴻寶近何如君有黃白之好神交總是難逢語才大  
還成自試書誇殺芙蓉池上月那能折簡致應徐

寄余德甫徵君

中原帝網正彌空萬羽歲稔傍北風不散斗邊雙紫  
氣忽冥天外一孤鴻西山秀色談詩後章水飛流攬  
鏡中敢倚竹林人漸貴五君無處看王戎

上巳初晴同戚生小亭對酌

三月三日日初新雨雨風風成一春柳條媚景乍舒  
貯桃花勒寒微放顰會稽山陰足禊事長安水邊多  
麗人故鄉京國那在眼與子且愛尊前身

董中丞貽書且有解衣之貺聊此附謝

商於山碧鎖嶙峋不隔郵筒來往頻編紵欲酬難比  
札復陶將被遠誇秦青雲漸有論文地明月初無按  
劍人自是神交能睽面古來千里號比隣

寄敬甫考功時拱辰太僕初歸里

漳河霜雪捲絲綸誰念

先朝啟事臣廢後咲他顏遠句悟來完得義熙身從  
教閉戶難逃俠但是收書不畏貧此際遲鴻臺畔色  
恍如雙劍合延津

陳玉叔學憲見訊且索余手書聊爾答寄

四塞軍城黯不舒，雙鴻宛轉下前除。  
城開漠浦珠胎後，句就巴江錦浣餘。  
講德

朝廷過地節傳經，弟子有相如。  
見秦必傳夫君素擅銀鈎，美肯問王家野鴛書。

再用王叔韻奉答

詩思江春下峽濤，元龍久矣自人豪。  
能令慕嶺雲為壯，忽憶峨眉雪轉高。  
地遠爭傳司馬難，時清厭續左徒騷。  
懷中小草君應識，豈有幽芳荅漢臯。

寄壽子與觀察丈六十二首

著成中論日逍遙，遲晚功名始自超。  
亥足步過天一半，弘年策射漢三朝。  
籌從海屋添來易，夢近僊山景亦饒。  
為擬平原歌柰樂，婀娜軒冕向青霄。

其二

與君通籍便相親，耆指應劉更幾人。  
春雪倡來無後輩，風波閱盡有完身。  
蘭芬藉藉留三楚，棠色陰陰徧七閩。  
不獨壘書天上下，還聞抱送兩麒麟。  
君未有子用徐

卿事為祝

用晦走使以新詩古陶杯見貽且云有丹竈之

滴聊爾附荅并致意孔陽

雙魚不道溯波遲，剖出關情錦字詩。  
豈是更生丹鼎

真州山人稿卷之四十三  
十三世終堂亥  
就能將叔夜酒鎗貽從君白髮迴他日借我紅顏駐  
少時見說從昆曹袞似可能新賦媿陳思

宗良王孫舊示嚴氏毀先公三密啟今復遠辱

新詩一章見貽感而報謝

尺素銀鈎已再傳每驚朱印有朱絃重歌大澤驪珠  
句忽憶先朝貝錦篇死孝愧心還此日神交屈指  
定何年知君未少龍淵氣自上崇峰望斗邊

孔陽宗侯貽詩見贈侑以二鸚鵡杯答謝一律

白雲叢桂亦悠哉紫氣洪都黯未開祿薄可聞宗正  
法詩新誰念小侯才幽懷巢父珊瑚樹遠信君房鸚  
鵡杯我欲携將習池上銅鞮聽畫始歸來

中丞子才以詩定交及余季子聊此報謝并贈  
懷

中興作者競紛然隻字誰堪藝苑傳我已無譏安郤  
下君應不愧在王前秦風奏後知強弱郢雪談來失  
後先自是連城勞品第那曾雙壁擬藍田

華山青珂坪而上自昌黎窘後少登者二十年

前于鱗至絕頂敬美今嗣武賦以壯之

青天斗絕青珂坪誰復能從坪上行千載猶煩華陰  
令獨游惟見濟南生蓮花不作人間色玉井長驕世

外名今日季方饒勝具咲他韓子誤垂銘

舍弟敬美自秦來卽談登華山之勝有作

蕭蕭倦馬出藍關恠爾煙霞滿客顏見踏青鞋尋勝  
去高從白帝問真還毫端彩自金天掌眉際寒分玉  
女鬟幸是茅龍元有二若為相引離人間

與敬美少叅登太和絕頂二首

季夏朔日涼儵然我携叔申朝上玄雙壁乍聯堪代  
月九閣初近莫談天青羊澗暖虹腰度白馬嶺高練  
影懸暫似五城鰲頂會詰朝分手傍風烟

其二

無妨蠟屐並登危碧漢泓澄欲四垂極北三尖疑華  
掌天西一抹是峨眉靈風暗送雙成管宿霧初收玄  
武旗已是壯游殊未快何如納節領真祠

敬美尚寶使秦有江藩之擢取道卽陽言別聊

爾有贈

秦川杳靄一星稀秦使仍聞有賜緋但喜銀魚新佩  
好不論金馬舊游非風迴峯嶺樓鴻獨雲滿襄江去  
鷓微寄語高陽諸社友醉翁何日不思歸

舍弟自均州城樓別後道寄二詩有感輒和

高樓一望思漫漫兩地江山酒未殘欲數對床俱夢

九州山人稿卷之四十三  
境嚮來携手是愁端詩成玉體君其愛書到銀鈞且  
自寬若遇故人論世路華陰雖險不為難

吞匡南鎮國兼戲寄其甥彭先輩

秋風鼓舵乍移襄矯首停雲思渺茫忽有寸珠來漢  
浦居然叢桂隱淮王詩中一字皆隆準枕上千金是  
異方見說匡山携杖後可能磯畔喚彭郎

請太室兄為代而不能俟賦此寄懷

來徃魚槭問合離翻從得代負心期誰能納節仍留  
滯爾為攀轅合到遲開府轉應饒杜癖腐儒那敢詫  
蕭規馬頭南去如鈎月唯許襄江峴首知

詠物體

余不喜詠物詩至於七言近體尤絕不為之  
懼傷體裁故長夏無事家園景物頗成爛熳  
魚鳥親人亦自足憐因戲各賦一章合之得  
六十首并舊作六首別成一卷老翁塗抹作  
兒子態終不似也

梅花

窈窕娉婷白玉膚立殘清照甬轂孤隴頭風起家家  
雪庾嶺人歸字字珠南國容華愁易老中原消息夢  
還徂東君大許群芳在次第冰霜問有無

紅梅花

瓊姿元自傲冰霜瓊紅玉也不作東風桃李腸舞罷轉憐  
如意點歌殘別擬壽陽粧瑤池月上僊人醉洛浦霞  
生帝子狂為問臘脂山下雪可翻新譜到西羌

桃花

度索山頭春正奢安期玉棗並如瓜誰留漢殿千秋  
袂瞥見秦人萬樹花枝動乍沾眉際月盡殘微破臉  
中霞莫嫌蜂蝶無才思聞道東鄰有宋家

李花

鄂曲千林花事新一枝嬌婉出風塵歌禮處處停游  
妓報玖時時憶故人露井謾為桃悵恨烟江未拾  
精神君聽大業歌中語只有楊花泣暮春

梨花

暖雪柔芳出錦除恠來蜂蝶盡擲揄晨粧未散垂垂  
粉晚淚初勻簌簌珠愁對峭風時欲語夢回殘月意  
同孤莫言零落無人問自有冰心在玉壺

玉蘭花

結綺張星曲未闌開簾一笑萬花看霓裳夜色團瑤  
殿露掌清輝散玉盤自是藍田通別種不同湘浦怨  
春寒揚州觀裏空如雪爭似儂家幾樹殘

杏花

誰剪僊人六出花從教春色倍妍華移來上苑霞千  
樹種就可陽錦萬家破萼東風青旆曉亞枝殘照玉  
鞭斜曲江舊是題名侶零落孤村謾自嗟

牡丹花

雕欄曲曲寶粧成步障春風十里輕陳氏君臣爭結  
綺揚家姊妹總傾城千花奪笑俱回臉片蓋迎酣別  
繫情最是洛陽新上巳誰能不唱麗人行

王太史宅賦得綠牡丹

洛陽名園十萬家天香國豔自爭誇何如王子緱山  
嶺別有僊人萼綠華秦女曉粧將掩鬢曲江春讌剪  
為紗姚黃魏紫應無限併作山城五色霞

又賦綠牡丹

百寶臺前百豔明號家眉淡轉輕盈狂蜂採去初疑  
葉么鳳藏來祇辨殼自是色香堪絕世不煩紅粉也  
傾城江南新樣誇天水調笑春風倍有情

海棠花

簾幕沈深白日長一枝嬌豔占流光輕盈着雨難禁  
態縹緲縈烟欲斷腸全似太真初起睡微輸合德有  
生香昌州應是施龍腦莫恠當年刺史狂

芍藥花

露泥風翻茜欲流  
盈盈溱洧布芳洲  
誰家士女來相  
謔何處王孫不少  
留嬌似芙蓉還怯  
水弱於叢菊未  
經秋惟應摘取  
玄暉句消破春風  
爛熳愁

杜鵑花

蜀魄何年別錦城  
洛陽春事劇縱橫  
扶枝細碧娟娟  
靜坼蓋妖紅的的  
明啼血自疑新染  
袂陽臺無復舊  
歸聲如何百羽稱  
尊後不向烟花暫  
主盟

繡毬花

淺白微青豔更柔  
淡烟輕雨施仍收  
流蘇帶緩初成  
結翡翠簾垂半壓  
鈎悞馬軟塵香自  
滾窺枝團月璧  
俱浮蘭室任更吹  
多少不結丁香一  
段愁

紫藤花

蒙茸一架白成林  
窈窕繁葩灼暮陰  
南國紅蕉將比  
貌西陵青栢結同  
心栽霞綴綺光相  
亂蔓雨紫烟態  
轉深最是纏綿長  
到老羞聽澤畔女  
貞吟

石榴花

扶踈一樹雨嫣然  
細的丹鬚倍可憐  
貢出塗林朝日  
媚裁從積草夜燈  
然共許博望槎中  
實還記河陽縣  
裏篇雨露恩深多  
結子紅顏薄命幾  
時傳



題石榴

安石托根知自遠扶南壓酢別成鮮合歡枝上青猶  
綺百子池頭紅已然初疑宛轉珊瑚墜復似的礫火  
珠圓試問圖君北堂上何如玉樹謝庭前

薔薇花

內史臺中露未晞宜春館裏烟霏微輕苞不雨俄先  
坼冶蓋無風恒自飛倡女摘條愁措指歡期就結畏  
鈎衣微吟柳憚新篇罷瞥見斜陽燕子歸

蓮花

若耶溪畔多芬菲鏡裏紅粧天下稀映日千霞難辨  
色迴風一水不沾衣妖童奏曲橫橈去冶女銜羞戴  
葉歸何似儂溪為屬玉年年花底一雙飛

茉莉花

小立亭亭度夕陽水肌却洗市門粧目成還擬昏黃  
約鼻觀先叅黠淡香自是維摩羞蒼葛虛勞樂府詠  
都梁應憐舊侶顏如玉瘴雨蠻烟總斷腸

夾竹桃

一枝幽豔兩分柯豈比長松附女蘿有節不愁春事  
晚無言自擬歲寒過枝枝上苑啼紅頰葉葉清潭寫  
翠蛾好似王家佳子弟隔江團扇唱儂歌

又

為以幽姿凌雪霰不將僂骨傍風塵輕迴粉面依蕭  
史細裊瓊瑤似洛神棲鳳錯疑瑤海實化龍還憶武  
陵人肩輿徑造無煩主怕有漁郎指避秦

蜀葵花

萬里錦城通道遠十年金井沐恩深幽蘭空谷各從  
好勁草疾風知見尋不獨秋霜能衛足由來朝日便  
傾心殷勤好誦虞蔡賦笑殺相如漏上林

蘭花

十年憔悴傍靈均澧浦傳波色尚新總為握香誇大  
國可無含意托幽人榮庭秀奪三花曉初佩芳留九  
畹春我自當門逢棄擲敢將時調怨沈淪

桂花

五嶺秋清瘴欲消射佗城外鎖峯堯金蕊岫暖花爭  
發玉兔宮寒葉未凋明月自吹靈隱粟白雲誰誦小  
山謠天香莫恠誇君採曾躡仙人上漢橋

菊花

三徑雖荒爾尚存故將秋色點衡門千林落木誰堪  
殿九日浮萸迥獨尊甘谷可延胡傳考沅波誰返屈  
生魂何如且向東籬下潦倒支頤付酒樽

萱花

離離朱蕊傍雕欄  
雨葉烟跼夏未殘  
無酒此鄉偏淡蕩  
有書從竹共平安  
花開錦里名長樂  
樹出嵇家號合歡  
何似北堂常植此  
三荆同擬百年看

酴醾花

暗香柔態出風塵  
未取蒙茸刺眼新  
粧粉不隨朝雨盡  
額黃長傍晚山勻  
六朝清詠傳倡女  
三殿芳醪徧從臣  
記取落英收拾後  
流蘇帳底有餘春

佛見笑

曼陀優鉢總堪疑  
上苑何由借一枝  
為問天華拈法處  
可當迦葉破顏時  
給園初果知難結  
色界孤根未可移  
肯為東君怨搖落  
因風片片浴香池

水僊花

瑤池消息路還通  
謫籍初分弱水東  
吟罷冰壺秋片片  
摘殘珠蓋夜叢叢  
霓裳舞奪唐宮月  
紈扇歌留漢殿風  
零落總如交甫珮  
漢江清夢曉來空

草芙蓉

江浦波心千葉殘  
江干木末萬花酣  
夾城含露輝天仗  
高堞垂霞護錦官  
歡似美人臨鏡坐  
愁如思婦怯衣寒  
幽懷一片憑秋月  
桃李如今夢已闌

玉簪花

湛湛娟娟白露漙  
折來纖手映俱寒  
斜依阿鬢千絲  
髻好傍芙蓉七葉冠  
擁坐金釵愁自失  
辟塵犀簪懶  
同看佳人別有貞心托  
倚遍東風十二欄

老少年

秋色空庭媚眼明  
嫣然棄葉轉盈盈  
虛憐夏女能傾  
族恰比徐娘尚有情  
衰露丹楓聊借潤  
拒霜黃菊肯  
同盟春英三五曾塗抹  
短蔓長條恨已生

蟠松

峭蒼青葱瀨不消  
蒼然嶽色滿庭臯  
虬鬚欲振千林  
月鳳吹遙翻萬壑  
濤摧挫水霜心自保  
屈盤霄漢意  
徒高堅貞欲有劉生詠  
憔悴逢人用解嘲

梧桐

青葱峭蒨秋十尋  
鬚松篠竹雲沈深  
阿閣天空鳳雙  
下吹臺風歸龍一吟  
已聞嶧陽足遠調  
復見露井饒  
清陰倉皇爨下荷  
拂拭未孤銜恩一片心

苔

小徑時荒轍跡稀  
坐看蒼翠欲成圍  
封雲石峭寒生  
髮過兩庭空濕作衣露  
井紛紛殘月上斜陽  
點點落花飛  
長門亦自經年合  
玉輦于今事已非

苜蒲

曾聞異種饒嵩嶽又見樞精應玉衡老去乾坤專一  
室少來泉石便同盟仙人數節真堪餌怨婦憐花枉  
得名欲向韓終為弟子還丹未擬付誰成

芭蕉

亭午方床鹿夢過起看紗碧上文波琮瑋半雜淇園  
竹搖曳仍疑下澤荷太液風低初捲袖陽臺雨細不  
沾羅莫言彈事休文苦聽罷秋聲恨轉多

西湖柳

萬條金縷弄輕柔纖雨籠烟不自由皎似王恭初月  
下宛如張緒舊風流眠腰只益閨中恨窺眼長牽陌  
上愁元是白公堤畔種可能無夢到杭州

雞頭

百子池頭波渺茫溫柔一種別為鄉移從合浦珠初  
軟采出藍田玉更香漫道青精能駐色虛勞白石強  
撐腸君看自是真仙餌不乞中黃太乙糧

軒飄紫香自長真山殿不子中黃太子豔

輝采出蘊田江更香曼戲青戲拍錫色靈變白子戲  
百七出頭來烟茶靈添一蘇限為蹤跡對合術米味

聯頁

上燕元長白公與細蘇下指無夢陸林批

不窠收張器善風流雅艷只益閨中射窠與長寧前

弁州山人四部稿卷之四十四

吳郡王世貞元美著

詩部

七言律四十一首

櫻桃

累垂靺鞨青林端鸚鵡銜春春未殘粲似玉姬微啟  
笑煜如金母乍成丹栽來並耀明光殿賜出騰輝赤  
玉盤不獨葡萄先讓色玉門澄耐有餘酸

枇杷

豔黃的礫散玉森五月珍苞出上林初似金丸能辟

弁州山人稿卷之四十四



鳥復如崖窻有來禽夏熟共傳司馬賦秋風還記栢  
梁吟祇應祠廟登新日不分今桃寵獨深

楊梅

吳筵餽飮應無限不及楊家種最奇  
熠熠晴空燒靛鞞澄澄嘉露滴  
燕脂虛勞驂騎傳來棹忽憶冰盤薦  
荔枝散髮風林三百顆可如金闕拜恩時

葡萄

消渴秋風寢欲蘇珍苞真擬勝醍醐  
朝華露結房中夜夜色星完帳裏珠  
西域酒香眠校尉上林宮就舍  
單于君聽魏帝當年詔擬向甘泉借一株

橘

曾因騷客稱嘉樹從此芳名筐篚間  
淮浦孤踪一水隔洞庭千顆兩峰殷  
烟霞自與長生液霜霰翻朱漸  
老顏碁局便須相伴住未煩塵世訪商山

佛手柑

萬里烟波貢越船上元燈火禁中傳  
嶽蓮遙聳排空迹金粟曾看授記年  
自有色香通妙諦欲將清苦味  
真詮漢宮虛擢銅僊掌消渴文園病未痊

竹筍

大陸千林紫氣間野人零露荷鏡還  
春盤玉並佳人

錦州山人稿卷之四十四  
指曉殿星分侍從班鳳尾擘雲迴白日龍鱗過雨圻  
青山亦知饒口渾無厭剛道淇園秀可刪

孔雀

伯父園中曾畜予猶見之

炎德由來應火離即看珠樹一雙棲歲稔翠葆栽金  
剪峭舊丹塗間碧泥咸陽公主蕭史曲廬江小婦仲  
鄉妻十里徘徊君一顧應傳樂府有新題

鷹

獨立高秋迥不同金眸青骹氣殊雄  
衡飛大陸十林偃側瞬中天萬羽空  
乍可羈栖間白日寧因飽去憶  
秋風君看萬里封侯相此日真成出塞功

黃鸝

綠陰春淨繡簾空媚眼金衣調轉工  
現院坐應過白日間關疑復訴東風  
遷喬出谷聊相慰止棘翻花故  
一叢莫道君王渾厭聽上林新有鼓簧宮

白鷗

紺趾霜毛亦太奇亭亭孤立夕陽移  
鷄群欲挽難為色鷗侶雖盟不並姿  
琪樹寸紅分歷亂碧潭雙玉照  
參差知卿久擅南州譽曾記開元李白詞

鸚鵡

翠領丹脣舊復殷空庭脉脉自成閒  
高懷春草洲邊



賦歸思秋風隴外山金鑲欲飛愁掣搦碧紗無伴訴  
間關君恩約畧知多少還似長門閉玉顏

鶴

伏頂丹砂天下稀欲栖珠樹復騫飛緱山一去無今  
古華表千秋有是非碧海天迴俱遍響白雲風剪自  
成衣君侯縱有乘軒意不愛人間骨相肥

畫眉

驕飛初傍上林春百舌黃鸝鬪巧頻白雪似侵風裏  
調青山仍隱畫中顰爭誇京兆雙鸞無別取成都十  
樣新豪興未除吾計得平陽歌舞不須人

八哥

屈戌春寒楊柳烟雕籠愁閉自年年曾教府掾吳兒  
舞好聽參軍蜀國絃欲語畏人還刺促多才翻更恨  
芊綿烟霄極目空惆悵笑殺韓生感遇篇

鴛鴦

翠領文綃淺着緋軟波芳渚自依依生憐蕭史前身  
是長向韓朋故冢飛璧月聯窺秦殿瓦銀燈雙上竇  
家機烟波最好翻新曲聽罷吳儂並看歸

鳩

昵昵春風墻外枝憐晴訴雨立多時可能如鵲巢誰

補幸不為鷹眼尚疑垂老厭扶青玉杖微官猶戀白雲司長安耐有饑鳥在大可相將集鳳池

○ 鴿

綺質霜毛種種殊飛鳴元只戀庭除籬邊尺鷃聊同適韝上饑鷹故不如怖後長依阿育塔馴來還寄曲江書相看總是銜恩侶翹首雲霄思有餘

○ 為人賦白燕

掠水穿花拂畫梁此星方合字瑤光珠簾不辨差池影玉樹長銜旖旎香明月張樓衣是素昭陽趙殿粉為粧零陵一片無情石巫女風多也學狂

○ 雉

耻入雞群莫見欺春風麥隴錦離漣文明自古非無象耿介由来不可移萬里越裳開瑞貢千秋陳寶有雄祠離絃不作朝飛曲要聽鏡歌第幾辭

○ 猿

何處翩翩白面郎曾從說劍學穿楊懸崖百尺能通臂過峽三聲早斷腸啼入商秋天似水坐當清夜月如霜欲將煩惱消除盡銜果還須禮法王

○ 鹿

奉車猶憶上林秋中歲辭榮在一丘萬事從他誇指

卷之四十五 世宗堂亥

馬一身甘自任呼牛。失來秦苑誰堪逐。歸去吳臺好  
並游。世路未馴從此決。長林豐草且銷愁。

○兔

自許干城動主知。莫將三窟負心期。梁園雪霽懸豈  
日。桂殿天空搗藥時。好向中山傳鳥跡。毋煩東郭代  
盧悲。金天倘許榮光借。擬上君王萬壽卮。

○朱魚

咫尺清冷一鏡收。明霞點點在中流。鱗鱗忽捲桃花  
片。勞尾徐牽赤玉鉤。萬里江湖寬出入。半庭烟雨足  
沉浮。潘波菡萏時相傍。窺沼鷓鴣迥自愁。

○賦得雙塔寺

白馬西隨漢使回。招提對聳古燕臺。摩空日月金輪  
轉。分界河山寶樹開。法雁影從天外合。燭龍光並夜  
深來。緝牙青髮同歸化。朱網丹旃總劫灰。

○賦得秋夢

愁聞盧女罷流黃。露井銀牀夜未央。漏斷朱門花底  
月。柝寒青海樹頭霜。逢時宛轉歡娛隔。覺後蒼茫道  
路長。不信狂夫能憶否。欲來雲雨問瀟湘。

署中獨酌先後共得十首頗有白家門風不足  
存也

醉即高眠醒便歌世人無計奈吾何一餐魚菜欣然  
飽雙眼鶯花到處多夢裏乾坤誰束縛閒中風月任  
差科唯餘氣習消難盡強半陳編與耗磨

其二

九十韶光半已孤攬衣推枕自支吾詩名不傍新詩  
長酒病全須濁酒扶漫笑吳兒書咄咄虛勞趙女和  
烏烏蒸酥細薤香杭飯為問先生得也無

其三

北風黃葉擁柴關捫腹徐行且任閒誰把一麾留白  
日仍將七尺施青山玉門都護求歸印司馬江州泣  
賜環向似蠓螿依右手拍浮長在酒船間

其四

五熊幡底綠沈槍紫綬雙垂琥珀光未轉頭時空合  
開纔開眼處自禁當儀秦豈必謀終日劉項都來戲  
一場此際青天殊欠穩蓴鱸秋思兩茫茫

其五

我是經行舊比丘曾參龍象度春秋脩時早被魔心  
打到處還將宿業酬一刹那間過幻跡百由旬裏徧  
窮愁何當收拾無生後澗底桃花水任流

其六

候吏聲參散晚衙忙呼稚子作生涯月臺先掃堪眠  
石風徑還收乍墮花官印斜封棠落酒鄉書遠寄穀  
前茶青絲翠管非吾事獨酌狂吟興未賒

其七

點檢平生劇可憐還從束髮滯幽燕看雲桂樹慙高  
憑走馬章臺負少年依舊青霄偏燕領不教明月試  
龍泉傳聞上界多官府倘似人間亦杳然

其八

二八眉顰舊出群羅衫斜裡藹蘭薰字字窄窄雙窻  
玉象裊亭亭一片雲曾為催花煩羯鼓時因鬪草沈

湘裙而今拋擲同秋槁可向陽臺夢裏聞

其九

夜牕無語一燈前南斗闌干北斗懸數盡蛾眉何處  
隱笑來鷄肋儘堪捐酒徒頻勸眠千日禪伯相要坐  
九年此事甚難吾不會且將雙屐了殘緣

其十

方牀細簟少塵埃午倦拋書蝶使催蕉影曹騰勾暫  
往竹聲敲戛喚仍回主盟風月應誰讓領畧江湖未  
有才看盡落花無一事自支鐫足煮新醅

信筆為雜體三首

春來只自任陶陶有口那煩誦解嘲十畝種稷百畝  
秫左手持杯右手釐紅榴日炙難安帽綠蕪風起欲  
翻舫醉即借眠眠又醒不知何物客星高

其二

一番花競一番新五度門閑五度春風外游絲塵外  
事雨中黃葉夢中身病堪醫療難言病貧假分踈未  
是貧莫向向平輕有約挂冠人是倦游人

其三

江雨難周高下田江風未便往來船西舍次男仍遣  
戍東隣中婦復調絃白衣居士眼無恙造物小兒心  
可憐祇應點檢牀頭酒齊物莊生第一篇

戲為江左變體

朱雀桁頭空繫舫玄武門傍難上潮三眠二起人如  
柳一年一度鵲為橋懶粧人道孫娘髻廢殮儂學楚  
宮腰秦鏡照膽那照苦漢酒消愁怨不消

其二

二八薄命私所憐嫁得燕領復爲肩樓船將軍難問  
地戊巳校尉不論年銀缸送影聊暫對繡茵分寒仍  
半偏賤妾紅顏坐來變安能君心常宛然

右十五篇調格稍異聊存之以見一體

七言排律二十四首

送德甫行部越中

使者輶軒亦快哉，高名金虎署中推。十年未歎為郎拙，三尺仍勞聖主裁。此去懸蒲應自慰，人間刻木漸堪哀。江潮揭地千門轉，海色摧天萬艦來。飛檄晝銷兵氣盡，按章春傍使星迴。莫將風雨疑吾道，且仗河山縱汝才。攜李詩成吳子郡，折梅人在越王臺。蘭門何限如渑酒，愁對繁花不敢開。

過于鱗郡齋分賦十二體 得名字

春草胡騶出，帝京如何握手又孤城。主恩司馬

郎仍在客禮，元龍坐盡驚。稍為清尊驅黯澹，漸攜孤抱鬪崢嶸。朱絃曉並漳河色，白羽秋閒漢塞兵。聞道太行兼郡事，始知嚴助厭承明。新篇直已藏機甚，恠爾猶存海內名。

冬日同客游李太常伯華諸園

窈窕縱橫事事宜，還如谷口動京師。幽亭護竹尋難徧，寒日穿蘿曷易垂。徑盡尊醪時一引，坐新鐘鼓不須移。風林忽送青山色，霜榭俄低白雪枝。歌罷纏頭珠錯落，舞殘垂手玉逶迤。城隅柝響催逾勁，席裏杯行想莫遲。四海烽烟容汝老，百年丘壑為誰私。須留

神州山人雜錄卷之四十四  
塵尾聽玄講未許悲吟伏檻詞

戲賦後七夕

牛女佳期已惘然誰留餘閨薦新綠重徵駕鵲愁難  
信却浼奔龍苦不前娟娟桂色初驚面習習榆芬乍  
躡有恨殺朱明金作轡還酬白帝玉為錢解道千年  
無此夕莫將今夕望明年

贈徐汝思統山東民兵

除紙纔看出建章長繩便擬縛名王相逢明月樓中  
嘯小出春風陌上桑六郡良家紫駟馬三齊擊技綠  
沈槍揮毫坐奪燕支色橫槊全收瀚海霜龍顏但誇

金印大虎頭休恨玉關長調笑青州王節度年年書  
記滿胡牀

候臺長山彌日信手撥悶遂成十四韻

病起孤城罷吏叅不堪車馬日駢驪五違燕雪寒沾  
珮四見齋楊碧吐簪歌就馮驩雙短缺書成殷浩一  
空函亦知刀筆文無害其那衣冠懶不堪公譴縱然  
饒歲百人情終是與朝三名同牛後難爭長路絕羊  
腸未弛擔入夢風塵塞塞北思歸春雨暗江南青雲  
處處皆先進白雪人人了不談温樹祗容温室種漢  
薪元擬漢臣甘驅來鳥雀孤鷗飽戰罷檀槐萬蟻酣



習壁藤稍驕自得拒霜松骨短何慙且將玄白朝揚  
子未許雄雌問李聃自古浮名身並患于今奇字酒  
同耽欲知送老藏榮處西塞山頭小築庵

壽李宮監

二十承恩拜奉車年年青鬢待彤除 天閑乍給新  
調馬御帶仍懸舊賜魚清切星辰紫劔珮鬱葱雲霧  
裊簪裙入朝花奪宮袍錦下直藜分秘殿書曾為脫  
駮知越石未應題賦薦相如金莖大有長生口乞取  
君王萬歲餘

殷子以七言長韻見投聊抒鄙懷奉答凡二十

韻

憶昔翩翩鄴下游當時七子許應劉狂來走馬傾三  
市醉裏停鞭傲五侯薄宦浮雲工變異新詩真宰泣  
雕鏤玉摧寧望全於瓦弦直元輪曲似鈎搖首中原  
無劔客戢身滄海有漁舟懷將池草難成夢種就堂  
萱不改憂解艾未須援塞馬誅茅翻擬愧巢鳩行藏  
懶就先生卜姓字甘從醉尉留頗為酒饒祛物態豈  
緣書就減窮愁長林草坐切呦鹿急浦萍眠汎汎鷗  
盛世老農兼老圃殘年尋壑復尋丘縱憐折節因家  
難實恐偷生重士羞此日深源多慷慨何人方朔並

沈浮春迴白雪三湘色天堦黃河萬里流意氣百年  
誇燕領功名十上啟貂裘哀梨我解毋蒸食和壁君  
堪再暗投吹出埴筦殊更苦操成山水若為酬連城  
價溢秦王殿大國香從楚客洲寥廓雕盤爭健翼康  
莊驥逸聘華軒衡門久自踈車騎荆缺今真犯斗牛  
去爾隻身終五嶽微吾片語失千秋

酒房戲為長慶體示四郎姪

且問吾家小杜康潑醅濃醪許誰嘗軟炊新稻真珠  
粒細壓寒槽白玉漿瀉出流霞偏讓色滴來甘露有  
生香休論染指涎先下任遣持螯手自忙晝要督郵  
缸底靜宵防吏部甕頭狂十年奔走愁為伴萬里歸  
來醉是鄉席上清樽仍北海城中舊侶有高陽秫田  
已滿七百斛泥飲從今三萬場漉後葛巾堪倒戴頽  
時藜杖好扶將憑教郊酌還丁夜不擬人間喚索郎

戊亥之際有聞偶成一首

春來負癖近膏肓晝日搢頤不下牀但是世情容懶  
却不教年事向愁量滄桑變後身難定蠻觸爭來地  
已荒冠蓋幾家狐父里文章若個夜郎王才憐夸父  
追炎馱依舊陽喬擁釣忙學佛又投多寶座尋真先  
試化金方沽將濁酒新狂水檢罷殘編古戰場欲向

太湖栖一曲建成車馬聘東黃

薛文學瑞室

文學之祖在宋居室再被火不然名之曰瑞

室于鱗為四韻余乃加二馬

君家舊事重黎後薛常屬楚可怕明州夕火紅一見赤尼

逃賈相再教青婦助糜公澄師酒作天門雨佛影龍

田石窟風懸壁安車欣自若君家廣德故事汲雲盃井靜無

功巢况百代長帡燕藜杖諸孫更吐虹却憶上林多

屬玉只今何處有遺宮屬玉漢宮以却火

途次投贈少師徐相公南歸七言近體六十句

臺閣瀕年秉化鈞俱將謨訓比絲綸鴻逵夙表儀端

羽驪海偏嬰頷下鱗兩詔中興光日月千秋顧命

見君臣丹衷自委金滕秘赤手重扶玉座新百揆始

知明舜目普天原只頌堯仁戟門晝敞恒如水掾筆

陽迴總是春已見辭侯超博陸肯教開閣擬平津商

巖徧起成霖澤宣宇長扃絕鬼神蒲類畫波鯨頓偃

越裳梯嶺雉能馴從他得序同升在不為流言引退

頻歸到穀城黃作石掛餘神虎角名巾崢嶸皂蓋騰

馳傳燦爛朱提捧賜銀內殿恩傳衣錦勅東門淚滿

望轅塵九邊蕃將爭務面八座尚書未展蟬去國身

輕憑款段憂時鬢在寫麒麟鵬休六月方為息蠅點  
連城反見珍置酒可同疏傳縱脫驂仍念越生貧祭  
庭蘭晚芬相襲入眼荆花晚漸親三泐水疑增浩蕩  
九峰山忽聳嶙峋那堪綠野栖遲地轉作蒼生顧盼  
身聽履定誰攀亦寫懸車應即改蒲輪蓬心下澤知  
難變高目中原忍更論天地會當交泰否雲雷須自  
要亨屯功名再續中書考風俗能還上古淳此際平  
原投謁士嚮來丞相掃門人沈湘夢就音猶楚扣關  
書成哭向秦病草遠能沾雨露瞻槐高竟隔星辰山  
公實已憐嵇紹谷口寧容引鄭真浮譽總為周地璞  
孤踪甘積漢家薪何時得托支離樹長伴莊生祝大  
椿

新安汪惟一徐子與門生也李于鱗作長律題  
其竹丘卷云截作武陵溪上笛方知馬援有門  
生惟一出以示余則于鱗仙逝矣感歎之餘輒  
步以贈

萬竹霜秋逼坐清一丘君計已垂成揚州篠蕩真為  
美王氏琅玕舊有名坵地蒼鱗爭峭蒨干雲翠尾出  
崢嶸中山鬱作龍蛇走嶰谷裁將鸞鳳鳴若遇嵇康  
須把臂偶同張薦欲逃榮渭濱業就封堪素梁苑篇

高席不爭欲識汪倫歌日面還憐李白醉時情武陵  
何限傷春語併入山陽笛裏聲

輓故温州郡丞閩人黃公釗

還因禮樂借登壇力盡驅馳轉更難麾下虎符徵未  
合匣中龍劍恨誰彈偏師欲奮長纓請匹馬能衝組  
練殘封後杲卿空有舌哭回弘演已無肝從他一蹶  
星同隕留得孤忠壁自完百粵風神開廟社七閩精  
爽傍衣冠丹心日月天俱捧紫氣虹霓海並寒為道  
鯨波諸稍戢只今重譯滿長安

送談思重太常北上

三月江南花柳齊玉壺移餞慧山西稍聞隱酒辭金  
馬仍見為郎祀碧雞宵向受釐天語得朝看陳祝  
御名題鑪香自裊烟雲上黼座傍瞻象緯低艾綠袍  
文縈瑞鶻水蒼珂色壓青驪從鹵簿班前引烏憶  
中丞署裏啼太常車在鹵簿內君  
父嘗為御史中丞唯是清齋三百日  
可能今日醉如泥

歸自胥門會子與自滇南入賀有贈

初聞單舫駐官河喜極翻驚淚眼沓名士風流垂欲  
盡故人星聚疑如何蕭然短鬢爭秋白少選衰顏入  
夜醅六詔夫留雙劍合五湖人借片帆過裹蹄繡錯

鐵如意琥珀光凌金叵羅出篋寸心同解脫拜嘉雙  
眼為摩娑吾安鴈序聯耕耒爾道龍標有荷文漢典  
可仍金馬祀夷荒曾嗣白狼歌寵王恩數新當城  
事司隸威儀舊下它太華也應蓮掌色昆明亦否石  
鯨波先朝玉帛高呼盛今代衣冠禹貢多君以賀萬壽入改賀  
登三事舊游如見及第言樗朽合烟蘿

寄鄧兵憲

治郡功名不讓黃墨書頻下明光誰將吳地隨車  
兩去作聞天列戟霜射日組練騰波鯨血偃  
餘皇何人不借寇河內有不護羞童稚至今

期竹馬東南是處愛甘棠知君豈假謳謠重總為驪  
珠逐孟嘗

尚書學士吳興董公過小祗園作

驚傳星象傍吾廬孺子能勤長者車林竹選留詩句  
後石苔開識履轂餘先春麗藻爭思御及暝玄言轉  
自舒不獨馬曹堪挂笏從他學士也焚魚板留一水  
元衣帶惜別孤蟾似髻梳為約把杯揮塵地五陵車  
馬萬花初

余赴太僕北上宴督漕王中丞新甫所感事有

贈

青燈濁酒坐相酬感事驚心論舊游  
犯斗故憐雙劍在照車先讓一珠收  
母驚粒玉我珂集不覩臺金蹠  
躩愁愧我老非張萬歲念君功待鄂  
千秋天空首着霜難飽春暖桃花水  
自流任是同書稱太僕何如計相拜  
通侯

寄輓黃淳父丈

時與袁魯望計同全

少微東壁兩星虛偏落吳江恨有餘  
見失奉高猶自可聽仁叔度轉愁予  
松能傲雪還成稿蘭豈當門也自鉏  
若個曾偷江左集何人不購永興書  
惚前數雨分茶鼎爍底春山却筍輿  
種種風流今日盡可應南望不歛歎

同日得承天魯丈叅知及其子以三中丞蜀中書

山城幕府歎離居朋舊青雲積漸踈  
湘浦春深誰附鴈蜀江南下不通魚  
方愁晉代浮沉語併得殷侯父子書  
隻字造從倡雪後寸牋裁自浣花餘  
銀鈎並美看難辨玉案雙酬愧不如  
益部只今徵小許鳳毛池上莫教虛

大司寇王公扶侍太夫人馳傳還里賦此為贈  
將母仍為畫錦身親從玉殿捧恩綸  
旌旗自北風

雲近花柳從南雨露勻出入兩朝中執法起居八座  
太夫人莱衣姓老看還少粉署名秋别有春桃實供  
從王母舊履聲聽識鄭公真那應吐斗虛咲舌共望  
中台領縉紳 明主總深鳥鳥慰可能無意畫麒麟

助甫携見甫過鄭鎮留飲喜贈

握手踟躕惜鬢絲且先呼酒後論詩文章李益難終

賤兄弟岑參並好奇珮玉享來元自蔡頷珠投罷即

稱隨君自蔡來投我詩隨余屬國也青油幕下堪移日玄武峰頭合

後期君約太折節客驚麋子地跳梁人憶虎丘時年

光並得偏吾老春色從公到汝遲癸酉饒君虎丘但是詞人

陽九過無妨物態暮三疑欲酬荃蕙須防化莫遣東風道上吹

敬美尚寶弟以七言長律卅句及洪崖圖古方壺為壽倚語作答數亦如之而悽然之旨殊矣

叨開制府國西陲聽說懸孤已自悲晚得一城如斗

大可云千騎上頭宜交同矍圃三差在跡似湘峰九

盡疑地遠青山無捷徑天寒白雪有連枝洪崖畫蹟

開元代梁苑壘尊武帝時萬里併將棠棣頌百年先

廢夢我詩夜聽風雨牀難接春勒池塘草更遲五短

及應輪散騎摩詰薦弟縉謂已五短二難端合避僧縉五長微拜散騎常侍



彌晉人云法護非不佳僧彌難為兄 清朝尚壘強增秩霍子孟事醉客將

軍謬保持阮嗣宗事所願賜緋行簡並白樂天之弟行簡俱五十賜緋見樂

天詩集宣容剪白表徽嗤韋表微云吾年五十拭鏡剪

不見其雄心老驥羞人問小技雕虫懶眾知今是昨

非孤抱合歸去來辭語宦情文思一時衰李孝貞云五十年倏焉已過

臣情文思一時盡矣長憐北海如流語北海云歲月如流五十年公今始滿

信平原柰樂詞陸平原有五十時清酒漿炙柰樂何語家有鑑湖那用

乞車還下澤不言疲由来損益多深味學易年今尚

可追

舟州山人四部稿卷之四十四

舟州山人四部稿卷之四十五

吳郡王世貞元美著

詩部

五言絕句一百八十五首

衛河八絕

擊汰蕩金波流光起千鬣仰看雲間質如鈎帶殘堞

其二

河流曲曲轉十里還相喚那比下江舩揚帆忽不見

其三

前望渡口驛行行轉相隔非關驛路移應是儂心迫

其四

十五誰家女紅粧嬌自多  
低頭浣衣坐不解聽吳歌

其五

欸乃櫓聲低來船坐自移  
無須苦相羨各有去來時

其六

人家半侵河屋後曬漁網  
夜深喚小婦篝燈聽波響

其七

青青河畔柳蕭索半無枝  
為是輕攀折非關贈別離

其八

人云風波惡風波信自惡  
生長在家鄉那得容華落

戲為眼罩作一絕

短短一尺絹占斷長安色  
如何眼底人對面不相識

題畫

來時桃花口流水二三尺  
一夜春雨生森漫歸不得

其二

孤蓬知乍風寒壓澄江  
釣不見石室人萬樹傳清嘯

其三

愛此山中居清陰滿蘿薜  
飽飯無所為石上坐秋色

其四

手自斟濁醪醉卧泉聲裏  
月午醒始知微風落松子

飲華生茗

君携陽羨茶薦以中冷水高卧讀離騷林端月初起

連中丞談詩夜歸題壁

縱有平生好寧容貴客憐長歌欲自聽秋色五湖烟

出門

出門見青山殷勤盡一別爾自知吾心悠然竟無答

其二

稚子牽衣裾倉皇問何事芍藥春尚花官今去還未

人日偶題

人日江南好風光梅柳新誰將故園日乞取去年人

去歲人日與子與輩賦詩

其二

出門看冰雪我我大地厚一夜東風吹宛然五楊柳

其三

誰家採桑女貂鞞雙金鈿朱顏怕雨雪人日拜新年

其四

平生徐與李南北共飄零北極逢人日南天指使星

癸丑余以避地吳中登閭闔行戰地悵然有感

北風吹海色飛上姑蘇臺欲問吳王事秋深麋鹿哀

宮怨

昨夜君王未守宮，辭殘血歡至方識。愁玉堦，盼春月。

其二

小日亭羅溪，紅顏不自持。入宮知見妬，無地着蛾眉。

江口

江口安橋處，孤舟盡日停。秋雲無限好，只傍蔣山青。

其二

似玉鱸魚膾，橙絲縷更鮮。徘徊欲下筇，從此定何年。

阻風桃源

小驛維梢坐來帆，自飛不堪游興盡。欲作向南歸。

林公不食書此惱之

野夫飽飯罷散髮，卧南牕亦作降心計。無心可待降。

偶題

女郎山頭石，新婦磯邊水。欲吐陽臺雲，徘徊傍誰起。

教坊婦

小拂乾紅袖，新聲十四絃。不知頭已白，猶唱想夫憐。

無題

七寶流蘇帳，金鈿與定情。十年春夢斷，恍忽似前生。

題壁

康樂煙霞後，長房日月壺。有鄉皆是醉，無谷不名愚。

春遊

角州山人集卷之四十五  
四世經堂刻  
小雨桃花逕輕風杜若洲江南春事滿何處賸生愁

閨恨

興慶坊前柳蕭郎手自栽藏鴉今漸穩只是不歸來

彈琴峽

在居庸

銀河落秋水飛峽自鳴琴虜馬遙相避君聽無殺心

夜宿碧雲寺

幽人夜無寐初月銜山閣不見月出光但見松影落

雨中

時方有哭子之感

平生不解愁雨落聽總好此際雨聲來沈沈北印草

其二

夜雨生白髮愴然青燈語日出愁更深應知不關雨

其三

夕陽鴉背寒暝色燈花落際以鬢然身那能不悲作

天雄道中

參差荆中門出沒沙際語落日銜半規秋天避禾黍

其二

場中刈新穀屋後曬軟棗兒女貪看客群栖下相惱

其三

秋風吹將暮古道行跡稀愛此微陽色射我霜中衣

其四

道逢魏公子問客燕趙來悲歌不足聽酒人安在哉

蚤發鉅鹿道中

驅車漳水外十里及鳴雞殘月低軍壘青天散馬蹄

其二

太行一片雲裊裊復紛紛我欲俱收摘相遺邢使君

靈巖寺朗公石

朗公一片石禮拜無寒暑彈指千偈終低頭竟何語

鐵架柴

問衣何自來祖師傳迦葉不悟曹溪春居然一方鐵

雙鶴泉

雙鶴摩天去雙泉為誰久昨夜王喬過山僧爾知不

證明巖

野夫如慧能隨緣就衣食勞師強證明本自無功德

甘露泉

曾聞尼連河世尊舊浴處一灑青楊枝人間盡甘露

錫杖泉

卓錫飛泉流人天大歡喜來既無心來止應何處止

定公堂

定公創招提鑿破青山色惜哉不住心翻留為跡

魯般洞

魯般洞

竅石為幽居虛稱魯輸子三十六洞天天工定誰始  
送內弟魏生還里

莫以齊門缺悲歌盡日彈醉君乘落酒不敵郡齋寒  
其二

骨肉他鄉別干戈遠道心倘過揚子渡約畧較愁深  
其三

暫留同爾去此語若無憑好待蓴絲熟應逢張季鷹  
其四

阿姊扶牀泣諸甥繞膝啼平安只兩字莫惜過江題  
謁臺還道逢海上宋使君戲贈

問君何為來問余何為返欲答兩不言青山去人遠  
寄勉魏氏二甥

玉樹元雙挺鶴雛好並翻外家饒宅相若個魏陽元  
留客

吏事君休恠山城好閉門此生無長物但坐有清尊  
蕪隱齋

為吏復蕪隱吾以名吾齋昔人解嘲耳其隱安在哉  
西亭

昔邪寒不剪書帶綠如室過客雖自稀主人已非一  
雙栢

良宵坐來永念此栢下雪鶴斃時一過亭亭如孤月

小洞

翳茅石罅中肱卧呼不起却謂桃源人其深亦如此

雙鹿

空庭啣枯荻悠然亦相樂放爾長林中應思向來錯

雙鶴

飲啄行相引棲鳴炯自如主人飯脫粟爾莫歎無魚

古意

聽盡西宮漏踟躕不肯眠僊韶一派樂又過玉樓前

其二

薄命紅顏是傾城亦枉然君王七寶殿自擁少兒眠

其三

歌罷齊紈扇沈吟異代名自憐長信帚不是

主恩輕

記漢童謠

蹇人欲上山秦帝欲上天假令天可上地上少入烟

為僧題畫

別僧虎溪渡扶藜踏微月一笑春風來林花偶然發

其二

玉梁界鐵峽迸作摩尼珠不肯青山住飛流徧五湖



其三

蜻蛉撥頭船自度還度汝一夜曹溪風吹散黃梅雨

其四

我是王弘之得魚亦不賣新水上查頭綸竿竟何在

暑日見客

客自禿鬣來我當科頭出語客幸勿嫌宋人偶游越

碧雲寺泉

碧雲長在天碧泉長在山誰憐卓錫後宛轉向人間

過于鱗郡齋分韻賦十二體得傍字

腰間轆轤劍錯莫無精光不是芙蓉淺純鈎北斗傍

二慕

少小慕書生書生良不易欲以徑寸心博他千古事

其二

少小慕俠客俠客良亦難寧將百歲擲不使片言寒

塞上辭

人言塞上老不恨塞上老但恨作別時握手太草草

春日偶成

丘壑殊無恙春風故不賞冥搜徒自苦處處是吾詩

吳江舟中送子與一絕得溪字

寶帶橋頭水曾通菴畫溪只愁歸路遠遲日未應西

又戲為周生代送得情字

今朝送遷客憔悴不勝情莫恠愁看鏡蛾眉世總輕

偶題小園

今宵高枕處白石含青蘿人喧雖稍息鳥散其柰何

其二

蘿薜長自衣桃梅猶未色唯有東風來悠然酒中得

雜咏

儂家何處是舸艫太湖頭自識人間路秋聲會起愁

其二

寂寞何人問韶顏鏡裏紅亦知年未老無意向東風

濰亭逢王子作二絕

汝從秣陵來還向秣陵去惆悵不忍離隣鷄酒中曙

其二

繫榜濰亭柳呼樽且嘯歌罷官應不悔湖海酒船多

徐荊州過余兄弟不肯飲而留連金吾許夕

拜所走筆戲之

自擲雙魚後難將五馬留祇應金許宅一榻為南州

戲為乩僊語

昨夜蓋珠宮水壺弄秋月不肯玉床眠鞭龍醉中發

調張助甫三絕

官薄無勞問居然張長公何如擲手板一棹五湖東

其二

何限青山色當君對案時肯同山吏部長醉習家池

其三

遷客真難作看人眼亦勞為言名士業飲酒讀離騷

夏日抱病十二絕句

支枕時自言斯人有斯疾老作一蠹魚殘編送餘日

其二

傳聞三峽下白雪捲青天借得東隣水潺湲亦可憐

其三

偶然片語出却拾囊中遺歌罷還自賞安用他人為

其四

曉夢鐘欲殘故人枕邊別武夷山上雲白雪樓中雪

其五

雖攬千古書畏語千古事白日稍向西一事一垂淚

其六

病在何妨暑科頭鎮日眠莫言踈筆硯不索賣文錢

其七

世事久不聞偶傳北來耗遠志在東山一夕俱小草

其八

西林貝葉編東林竹葉酒問我西來意翻云醉中有

其九

客有攜枰者湛思入玄解忽悟歛子時人我俱安在

其十

客是華陽館仍云雪上來野夫名已盡只愛自銜杯

其十一

社酒鄉人至無言但一卮猶勝莫處士強我坐談詩

其十二

長卿故倦游簾牀壁間挂但喚尤老來青山隨意寫

弔張處士墓不至而返因簡幼于仲君

金閭十萬家盡醉吳山碧獨有王子猷迴棹墓田色

其二

念汝廬居地藤蘿使徑迷祇應今夜栢重見夜烏啼

郭山人六絕句

五嶽真形圖

汝到瑤池西披圖問阿母二室三花間可着王郎否

杖

僊骨日以輕何煩策扶老後夜驚雲飛棄龍在中道

衲

一衲長挂身寒暑了不涉肯學沈湘人秋江緝秋葉

歌

偶從清穎得乞食焦山僧一飽便無事却挂焦山藤

鋤

十年理芝猷鐵作青蛇文復伴遠游去山山鋤白雲

觥

時携一觥酒獨向花間醉不分汝南翁春風自天地

彭城道中

盡日山中行謂是山中客及逢往來者總負茲山色

道過一嶺曰米花村其名頗雅因為成一絕

夷溪黃葉路三戶米花村草馬須臾事寒山日掩門

東明道中木冰其

濃霜中夜零千林成霧淞却似江南時梅花惱清夢

其二

鮫淚滴青天萬樹珠相亞惟應拙官人不作達官怕

應在明中大水後問之

可憐赤城霞釀作石梁水一郡垂欲魚卧龍猶未起

朔日邑送薪盈庭感而有賦

匏繫何煩惜膏明也並燒積時甘在下炊後始知勞

其二

本是爨下材叨君一分直不惜捐此身為君佐鼎鼐

其三

念汝焦頭近憐余束濕同不才豈梁棟亦使秋山空

其四

只愛樵歌好那知有殺心分無焦尾日世自寡知音

往返錢塘江戲為問答

九月錢塘浪無風也拍天儂今渡江去為復住江邊

其二

朝指蕭山驛暮喚錢塘渡儂身不屬儂却似商人婦

有感作

世情令我出世事令我歸出處不關我安能論是非

題寒潭圖

萬木俱避榮寒潭吐幽潔悠然見天根群悴還成悅

題雜畫

白雲橋之上流水橋之下策蹇不肯前蒼龍峽中挂

其二

雲作斷續峰煙為濃淡樹借問此中人寧知此中趣

其二

山色猶未斂藹然斜陽赤時有漁父來不妨一爭席

其四

濃碧蔭清漪可能不流昧釣自不得魚得亦不肯賣

其五

天河一夜雨染盡郊原綠頗恠出山雲時能礙游目

其六

儂愛峭帆風身愛且從容溪山任濶狹面面青芙蓉

其七

衡門晝長掩春草綠於積倘有問字過朝來見行跡

其八

秋氣自蕭索秋山殊不貧丹楓與翠栢徃徃媚行人

其九

白雲不肯住裊作出山狀中有朱衣人可是山中相

其十

嵯峨挿天峯偃蹇據地松峰那不出雨松已欲成龍

其十一

一樹兩樹丹千峰萬峰白無處覓酒家孤舟采寒碧

其十二

遙岑吐飛瀑如瀉銀河水本自愛人間翻落白雲裏

題紫筠居三絕

過雨千林濕高齋色自肥籜龍一夜長片片紫雲飛

其二

新篁節未解已作干雲碧偶然三徑開錯擬揚雄宅

其三

長衆夙有尚自與此君宜不獨堅貞在蕪令俗可醫

禱夢三絕句

夢三日而應

夜來寤失官青山色為動無那夢醒時此身還屬夢

其二

夢飲薊門酒忽復還鄉國猶勝覺後身匏繫太行北

其三

夢讀老親書醒來無一字稍覺孤枕寒惟殘兩行淚

江籬館十絕句為朱鴻臚在明題

松齋

鬱鬱齋畔松稷稷松下風儂如陶弘景日坐松風中

雪廊

三步五步廊千株萬株雪阿大故濯濯與雪鬪清絕

石塢

壘石為環堵主人長作主行遍咸陽西誰識黃金塢

江雲樓

高樓風不閉半欲藏江雲試問江干客或有雲中君

筠房

脩竹不愛碧潤我惚中人欲知春雲坵寸寸吐龍鱗

快閣



披襟稱快哉天地雄風來何似金莖表吸取露一杯  
疑香室

湘簾靜不捲芳篆縈如絲借問僊省吏得似含香時  
嘯臺

欲與天籟爭披雲獨箕踞忽作鸞鳳音嘈然徧千樹  
鶴院

雖甘稻梁美終愛雲霄去蕙帳猶未空翻成且須住  
雨花菴

兀坐淨名身時談香積因如花兩僊女知是散花人  
黃生填撫南牧馬所賦二絕句送之

君過騰越峰駿骨隨龍化倘遇千里駒莫惜千金價  
其二

調弓射堂下戲馬臺城側莫作王騎曹拄笏西山色  
題小景

北垞帶南垞前帆銜後帆欲知何處泊斜日在松杉  
題徐少卿墓

宿草封雲壯高杉背日寒客來無劔挂事往有琴彈  
題繡毬花

暫以碧雲色微籠春月圓拋人暗香裏誤馬軟塵邊  
題畫蘭花

舟州山人稿卷之五  
處為幽谷香出為王者端不同百草歸秋風紉成佩

江行雜詠

初出京口

楚歌一聲發吳儂雙淚連武昌應尚遠船是武昌船

夜泊蘆夾迴望燕子磯

風吹浩蕩去却在蘆江湄燕子磯頭月清光當待誰

泊金陵

不登鳳皇臺為怯李家句聽說長干兒朋尊向臺去

初發石頭

亭亭遠山色入我船牕來聞語雖不競那無酒一杯

烈洲在江中樹頗多

鬱鬱烈洲樹宛然江水間行人自不上妬殺道金山

牛渚即采石也

玄暉既道往李白時一振請看滄江流萬古才不盡

宣城道中阻水不得上

夜不聞白猿朝不見白鷗皆太白詩中語忘却下江水錯恨

戀舟山

東西梁山一名天門山在江中

東梁與西梁鬚鬚雙虎頭可憐長江水分作川字流

病中過銅陵遇雨

江館能收望漁磯亦罷冒誰憐伏枕客風雨過銅陵

歷陽道中阻風

進步咫尺間一落不復上安得勒將軍為我牽百丈

江行熱無魚買戲成

十日不嘗魚九日不却暑願作西南風吹儂轉鄉土

余嘗夢登九華陽山磯可以見九華而病熱昏

寐竟過志感

九華九子秀十年夢寐間那知一夢覺頓失九華山

過馬當

人云下元府莫作馬當看自有天公仗那能問水官

安慶道中

平波細若剪遠岫膏於沐塔坐舫齋中空翠時一撲

過皖城

不問江南北江風任往還杯中是何物青峭皖公山

和尚磯在采石道士袂在蘄水小孤中立焉

東是和尚磯西看道士袂那能教小姑不就彭郎宿

祭小孤神祠作

小孤有神祠亭亭大江中行人俱賽祭那得往來風

彭澤顏明府來謁

偶然折腰罷滿路青山看却咲陶彭澤何因便去官

過潯陽

功名侮余甚厭之不能舍試問廬山峰可曉白司馬

望大孤山

人言大孤醜不及小孤妍若向鄱陽去南風也繫船

神鴉

神鴉向千載依然少陵句不學栢臺烏臺遷烏亦去

至李坪驛始見竹筏上居民連亘三十餘家云

隨流上下作篙沿板行販

何必問故鄉浮家任儂住一夜便風來盡呼鄰里去

入黃州

青衫曳地行雙眼鼻端看此豈翫世人憐為世人翫

青山磯

武昌在前頭逡巡不肯去為愛青山磯且對青山住

舟州山人四部稿卷之四十六

吳郡王世貞元美著

詩部

五言絕句三十七首

劉太常亟言大城令忽君之賢也其善狀非一  
至禱雨立澍矣予聞而賢之為賦四絕句

試按扶風部應先數大城神依灌壇令民頌東先生  
其二

自是神君雨那因少女風河陽萬壑綠千樹亦爭紅  
其三

舟州山人稿卷之四十六

世經堂刻

霖霖沾衣樂滂沱破塊寬好星元有雨星是漢郎官

其四

汝禱亦已久六事無可責密雲天際來宛然素林色

過息題息媯

君王愛侵地賤妾偶酬心欲竟無言恨那堪言外深

買鷄

兒童愛春懶為買汝南鷄不曉幽人意翻令拂曙啼

鄭陽偶成

坐見斜陽影離離西過楹問愁無可答底是少心情

其二

驟作中年身都無快心事不知筋與骨何處將衰至

茅阜峰

茅君顧我笑誰校從官多欲語囊中秘其如六耳何

健人峰

共工觸不周二巨靈擘太華何似此健人立石天門下

繫馬峯

天馬走長空茲峰偶一繫萬象欲現時聊將繫吾意

滴水巖

一滴一露珠病渴猶恨少倘借行雨翁前村成浩淼

隱僊巖

真僊不住山那有山中跡同是謫僊人相逢不相識

風巖

一決土囊口居然萬壑同人應自寒暑風不解雌雄

獨陽巖

朔風寒不盡慘淡結浮陰念此閉關日悠然天地心

凌虛巖

希夷誦經所

誦經凌虛臺留骨希夷峽何似學劉伶未死先荷鍾

榔梅嶺

人言榔梅亭真果已堪証無柰老饕何只愛蘇家杏

青崖

斷崖數千尺隱然一輜輶即看搖落候不改芙蓉青

瓊臺

當時受冊地今日瓊臺宮阿母瑤池色能如晚照紅

淵默亭

茲亭字淵默我憇亦何言忽有天門闢森然帝座尊

試心石

陟出三尺崖下臨千尺地道人呼試心無心可將試

試劍石

我有昆吾劍不將持試石白壁隱荆山剖出長虹色

磨針澗

鐵杵磨作針白石化作金還憐磨杵客不勝化金心

高谷澗

野蒿長如人菘菘亦不離我欲搆一區為延張仲蔚

金鷄澗

遙望鷄鳴峰神瀆湧如射時聽金鷄聲人間道天赦

摘星橋

即會仙橋

夜半橋上星如螢拂衣袂為摘歲精來欲驗偷桃事  
閒居無事偶臆古人恒語成聯者因以所感足  
之不論其合與否也

何所聞而來何所見而去人自不關身身有關人處

其二

前不見古人後不見來者此事久已然如何初涕下

其三

蘭以香自焚膏以明自煎崑岡一失火頑石未聞全

其四

我自用法卿自用卿法卿法多愛憎我法無生滅

其五

莫言一種物雙名亦易曉處則為遠志出則為小草

其六

有情癡故佳無情黯亦爾瑯琊王伯輿終當為情死



其七

人言阿龍超阿龍故自超濟南一下語此地不成驕

其八

法護非不佳僧彌難為兄長安嗽名地語語蘭芬生

其九

有兒不明經好讀子與史仲容已預之卿不得復爾

其十

解綬還神虎買舟向吳會冷如鬼手馨強來捉人臂

鄖府偶成

濁酒杯誰共殘燈影自親不應開閣後千騎上頭人

六言絕句一百首

偶成

游絲自縈白日疾羽忽界蒼烟先生中酒難起卧讀  
南華幾篇

戲題燕市所見

繡帽緹騎爭道雕欄貴人索錢群兒馬通自給小婦  
牛飲高眠

其二

相君築堤西弄詞客待詔公車鳴騶定先宿鳥彈缺  
不愁無魚

游薊城樓

登危不妨蠟屐踞坐自側烏紗鐵嶺高天一線漁陽落日千家

其二

青草春閒突騎黃雲書慘穹廬揮鞭畫蒲類海立石封狼居胥

秋日過于鱗郡齋分韻賦十二體

使君盡酒不醉郡閣先秋自寒乾坤乍容車馬湖海漸入衣冠

有聞

鵲言余以不好鵬語余以其期西山白雲自若東市黃犬何之

順義公署雜興

歸雲小樹先暝啄雪殘鴉自喧候吏強名栢府濁醪故作柴門

其二

架上道書數卷牀頭濁酒一瓢不作莊叟齊物咲他嵇生絕交

其三

空庭積雪無恙小牖青山自如何物消除官廩呼兒

點檢琴書

風寒濟南道中兀坐肩輿不能開卷因即事戲  
作誹體六言解悶數之政得三十首當喚白家  
老婢讀之耳

有論已乖養性無書自成絕交且從李耳視舌不與  
陶潛鬪腰

其二

狗監故知犬子太玄自守童烏任他出山小草甘老  
東吳菰蘆

其三

愛弟策名京兆嚴君奏捷未央不才也能隨例年年  
管領長槍

其四

無思無為足矣不咲不取何居生兒但識丁字慎勿  
讀父之書

其五

但誇酒賢酒聖莫論錢愚錢神為龍為蛇亦可應牛  
應馬誰真

其六

小驛殘茅短籬偶爾濁醪一卮却似區區天地野夫

寄此何為

其七

趨府不休自憐人生幾許流年不羞挂名牛後所恨  
望塵馬前

其八

夫人石畔雲起女郎峰頭雨來可怕千秋望斷只愁  
風橫吹開

其九

薄薄斜陽剩照輝輝殘雪留姿天公任汝搬弄畢竟  
能過幾時

其十

賀監八旬捨宅白傅六袞分司那知七百年後笑殺  
李家小兒謂于鱗也

其十一

莫言無下筋處二十七種菜鮭自勸自斟佳客一丘  
一壑人家青陽驛在山水間

其十二

何用勞他白僕喚來將伴朱提去日薰猶莫恨到時  
還隔雲泥

其十三

世經堂刻

神州山人稿卷之四  
袖中束書數卷車後挂酒一瓢任爾風塵度日猶勝  
政府逍遙

其十四

哥舒明駝難得道將快牛未逢借問長安相府何如  
兼領司農

其十五

檀氏沐猴無恠謝郎鸚鵡更工為語當筵鮑老莫笑  
敘明八風

其十六

華不注何崎嶇青天削立峰岑寄語三周鐵騎其如

杖登臨

其十七

飯罷從容捫腹汝胡許大乃爾詩書淘洗欲盡空空  
如也而已

其十八

冠蓋人人白雲生涯處處青山莫恠攀龍任誕王生  
猶落人間

其十九

離騷未稱佳士莊叟竟不異人乞取楞嚴一卷消除  
幾日殘春

其二十

欲雪千山自暝將風萬樹知寒償債半生車馬誤人  
一世衣冠

其二十一

衣冠是處故人不如一吳國倫七品十年不賤千金  
片語那貧

其二十二

脩脩檜枯風緊藹藹衆榆日斜莫恠牛羊不下中峰  
自有人家

其二十三

曹公治蜜何意丙相問喘莫論止是輸他兩更歌呼  
復吐車茵

其二十四

明年罷官歸去山田不論俸錢三山六水任意兩粥  
一飯安眠

其二十五

車公一言拜相李廣百戰不侯自是人間常事莫將  
造物追求

其二十六

泣麟思鳳且止怨鶴驚猿莫論問君幾許經濟拋擲

蘇州山人集卷之四十六  
世經堂刻  
驃騎車門

其二十七

既少桓譚數語又無侯芭一人胸中萬卷何用到了  
還他渾淪

其二十八

何必陶公能賦杜鵑也歸去來生寧與雀等伍死不  
呼醜為媒

其二十九

世事一清一濁人情有愛有憎胸中八九雲夢何勞  
瑣瑣淄澠

其三十

富不如貧魏擊生不如死曹涂片語千秋萬古兩袖  
三江五湖

即景二首

平林鳥鷺新月小巷犬吠松聲主人酉酒未解稚子  
也倦逢迎

其二

斜陽遠山一抹流水桃花幾灣檝頭受風欺住缸面  
且自偷閑

醉後放言

蘇州山人集卷之四十六

世經堂刻

蘇州山人集卷之四十六

快哉老伶荷鋪至竟還輸一籌死亦不須埋我教他  
蟻樂爲愁

其二

神僊自有官府朝市翻誇隱淪何用爲渠評騭醉鄉  
且住逡巡

其三

杖頭一瓢共飲但醉莫問姓名無才無德老子半癡  
半點先生

其四

秫田七百斛米屈指未了殘年東家新醪正熟耐可

雍菟酣眠

舟行即景

落鴉千點萬點流水一灣幾灣漁燈南垞北垞鳥道  
前山後山

謝吳總兵贈白苧幃

不須元帥武帳敢學中郎絳帷領取新秋白苧睡醒  
瑤臺露晞

夏日偶成不復倫次共得廿首復作長山道中  
故事耳

一貴一賤轉眼得意失意片言丈夫自管六尺莫擬



輕受人恩

其二

眷屬偶然萍聚此身亦是蓬飄從他千古萬古何異  
明朝乍朝

其三

為問夾轂周道何如耦耕老農六州鐵鑄成錯一尺  
布尚可縫

其四

穀秕不如稗成貴死不如賤生東家送喪鼓吹西家  
嫁女哭聲

其五

在山亦名小草辭釣却喚陽鱈何似一群鸞鶴飽喫  
鰕鱻艸膏

其六

小人請學為圃愚公始愛移山不至終身錢孔似勝  
天下轍環

其七

劉項蝸角千里彭聃蜉蝣片時唯有騰騰酒睡喚作  
小劫須彌

其八

右丞輜川勝地少傳履道新居此生大堪假息身後  
豈必吾廬

其九

古鼎詩卷茶鑪酒鎗人呼六一居士自號

其十

試茶初動蟬眼臨帖更畫烏絲啜罷冷淘槐葉微吟  
雙調柘枝

其十一

姓名琬琰四海文字金石千秋祗堪曳尾沙畔那可

跨鶴揚州

其十二

湖田未論厚薄頗堪伏臘之資吾意無可不可世途  
已而殆而

其十三

車公一言拜相司馬三賦為郎既與此人同世取舍  
更自茫茫

其十四

握管頗成快事銜杯差不讓人何曾在下援上亦否  
辭富居貧

其十五

重權一佩六印巧宦十至九卿八十日陶彭澤福薄  
苦要歸耕

其十六

時事十羊九牧世情暮四朝三莫憂深源難起自信  
中散不堪

其十七

有子萬事非足無官一身不輕僊人自來忍辱居士  
難矣淨名

其十八

脩羅怨為兵刃調達謗作笙歌大梵天宮自在光明  
不照娑婆

其十九

黃雀入水為蛤青鳩乘春化鷹升沈偶然所遇強弱  
豈爾之能

其二十

踰冠已叨銀艾三十謬領金緋總就迴波六字唯向  
君王乞歸

題梅卷贈虛上人

羅浮寒玉千樹折贈閩黎一枝欲識西來真意暗風

吹到軍持

其二

隴頭玉笛吹遍哀響不到僧家為問阿師微笑世尊  
拓示天花

戲題

詞林豈必陽九世路自足朝三雞肋棄之有味羊腸  
欲上不堪

其二

蹉跎顏鬢雙鬢落魄高陽一身彈章亦合文苑除日  
終疑酒人

再題

三十年前塗抹二千里外折腰磨蝎當宮合賤雕蟲  
小技誰驕

其二

臨邛負弩小事長沙賦鵬胡云那用爭他絳灌歸來  
咲擁文君

阻風黃石磯

桃葉江南江北桃花千山萬山捲簾但看白浪沽酒  
不減朱顏

其二

長江宛如白龍怒起鱗甲千重唯是江頭山色居然不改芙蓉

壘字峰

千尺霞燄燦爛數行雲篆橫斜莫驚此峰壘字西去水亦成巴

金鼎峰

十年文火武火一夕星飛霧飛惆悵雲臺夜色子春獨自東歸

雲母巖

朶朶傲風雲葉層層薄日霜華傳得彭

煥法移乘

此地為家

黑虎巖

何事山君變服拜首玄武行宮不憂西華白帝可怕東海黃公

白龍巖

朝來卵色初動白雲四馳不寧疑是玉龍行雨滿山鱗甲崢嶸

硃砂巖

毋煩安期遣信何用勾漏遠尋方寸不生凡火大地盡作黃金

歛火巖

鄧天君修真之所

五十餘年清淨一念歛火纏糾却似班生投筆虎頭  
燕頷封侯

皇后巖

太子巖

太子宛如悉達皇后亦似摩耶一卷西來勘罷五斗  
無復生涯

妙花巖

六銖姹女天衣貪散天花不歸我醉露眠巖側滿身  
花雨霏微

萬松亭

蘇門山人坐嘯華陽隱居卧游嚼然數部鼓吹猶自  
傳響山頭

龍泉觀

摩天群峭石骨護壁萬綠松髯過橋泉聲忽怒破竇  
風意時尖

烏鴉廟

不學淮南雞犬一時相隨上天試問叢祠受賽何如  
江畔迎船

僊碁石

山中爛柯樵者世上負荀先生最是聖凡難別欲煩

金州山人稿卷之四  
橋更題評

雙溪澗

一泓解眼吐沫雙澗燕尾分流人道渭清涇濁俱從  
天柱西頭

飛雲澗 瀑布澗

急淙瀑布千丈飛雲冒絮百重更許殮霞黃石山人  
衣食從容

天池

天上莫疑銀漢池底亦自青天白雲徐動玉皴明月  
初起珠圓

鄭中雜言八首

晨興兩堰脫粟逼暮三杯濁醪幸不妨他黃卷猶堪  
拖故紫袍

其二

乍雨乍晴天色自開自落花枝蟻浮誰賓誰主蛙吹  
為公為私

其三

上書時時不報徃事忽忽自嗔腰間有骨為崇眼底  
無計藏身

其四

...

鄭山排坐西入漢水遶取東傾話未頗令神爽飽看  
何曾眼明

其五

塗鴉半成梵字為蠹三食倦名虞初稗官使者摩詰  
竺乾先生

其六

晚得一城斗大云胡不游游隄見說宜城酒薄小兒  
未解銅鞮

其七

無才癡頑老子強學解事小兒吾末如之何也胡不  
歸去來兮

其八

雨餘殘果自墮日落倦鵲多喧手携南華一卷不妨  
坐待黃昏

舟州山人四部稿卷之四十六



全  
州  
山  
人  
稿  
卷  
之  
四  
十  
二  
世  
綸  
堂  
亥

